

光緒江西通志

江西通志卷一百五十六

列傳二十三

建昌府二

國朝

梅遇字品章南城人順治鄉舉奉新教諭值土寇猝發縣令皇遽失措遇代督民兵登陴以守飛礮傷左右數人不爲動寇中有翼兩笠飛登女牆者遇麾卒斬之事平擢陝西郿縣令兵燹後田半荒蕪招墾方興胥吏私有增益逋賦日多遇力請上官奏減之縣東南境爲古橫渠渠流不漑西境遇相勢開鑿凡四十里引渠環繞入渭由是附境荒土皆成沃壤更設義倉捐建啟聖祠文昌閣厯官敘永同知

陝西通志

涂景祚字萬年新城人順治進士廣州府推官時平南

藩兵怙勢殺人督撫欲先關白景祚不可曰是尊藩府
輕朝廷也徑治如律會大朝賀期文武集公廨平藩世
子單騎馳複道景祚語香山令姚啟聖曳之下世子失色
謝過潮州總兵蘇利叛調兵勦之相持數月不下適
景祚巡海道經潮州單騎入蘇營諭以

朝廷恩意陳說利害蘇利爲解兵景祚性耿介膽識過人
官粵六載兵民安堵以裁缺罷歸

府志

黃熙字維緝南豐人順治進士臨川教諭以親老乞終
養歸父年八十卒哭泣盡哀三年蔬食後奉母居山紫
母喪山居延燎熙撫棺大慟願以身同燼倏忽風返火
滅同邑謝文淳於人少所許可獨引熙爲入室弟子云

崇祀
錄

封濬字禹成南豐人順治閒貢生父文舉有隱德無子育鄰子爲後已而生子二人爲後者復以事不得於父濬爲慰解而曲成之父嘗病祈天請代兄卒遺一女教育畢嫁如己女值清丈邑田與黃熙同任其事不避勞怨南昌彭士望戒以出位遂自號位齋

謝志

劉大千字廣生廣昌人明崇禎鄉舉性至孝善事二親壯歲依依有孺子色

白志

章慥字顧之南城人明諸生隱居華子岡灌園養母與程山謝文洊論學有鍼芥之契文洊每心折之好讀史論衡精確甯都魏禧稱其發微闡幽有功後學

黃采撰傳

鄧觀字我生南豐人明末諸生隱居不仕同邑謝文洊諸人講學程山以觀能持公論恤患難甚推重之尤留

心醫學著書六十餘卷

白志

孔鼎字正叔新城人明諸生聖裔隱居鬚眉峯下甯都魏禧授徒至新城鼎出見之年已六十七矣長禧幾倍既心折於禧遂以爲師先是金聲桓叛挾故明益王世子以書幣招鼎鼎覽其書歎曰誤矣反其幣爲書數千言拒之斥其必敗後如鼎言同族尙典之達毓瓊皆師

魏氏爲古文各成集

府志縣志

魯啟聖字公望新城人沖淡謹飭及門之士皆有成材或勸就試答曰自度才智迂疏不足爲時緩急兒輩能讀父書不墜家聲足矣居鄉善俗抑然自下晚年邑令延充鄉飲大賓力辭不赴以子瑗官司業贈如其官

白志

謝文洊字秋水南豐人明諸生後建堂於邑治之西程

山與同里李萼林邵睿明講學其中遠近人多師之子
德宏魁頤多髯豪邁自喜嘗謂丈夫生世何事不可爲
至窮以詩名豈不哀哉安親王聞其名遣人物色之勸
之仕吟詩答謝以醫游於世

白志
府志

黃采字亮工南城人孩提時祖訓以小學格言及聖賢
姓字忻然聽受稍長言動不苟師事謝文洵篤志力行
事父母以孝稱祖母年八十餘服勞罔懈繼母周有狂
疾曲意承順三十餘年如一日及卒采已年邁哀痛盡
禮年八十四卒居家以小學家禮倡引後進風俗爲之
一變與弟瞰以學道相勸勉子湘舉人信豐教諭旣歿
信豐人祠祀之

白志

魏菁字明之廣昌人明貢生授中書敕往饒州清稽藩

下子孫尋挂冠歸移家水斗砦順治丁亥宵人通賊將
爲變守將被檄且屠砦菁素善守將踉蹌往謁破私產
得千金爲壽曰此父老所獻必破砦願無淫殺守將許
諾所保全者千餘家菁家業自此淩替食貧終身不悔
也卒年七十四以子方泰貴贈通議大夫

魏和公墓志

甘京字樾齋南豐人初爲諸生後棄舉業與同邑曾曰
都封濬師事謝文淳值邑荒亂京請免荒稅均賦役賑
饑平寇人稱其經濟勝文章曰都濬俱以行誼篤學爲
鄉里矜式京子表工古文縱橫有奇氣屢入剡章卒不

出

白志
府志

陳允衡字伯璣南城人以詩游江淮吳越間一時名公
卿無不願與之游而於施閏章王士禎尤善論詩以淡

約真摯爲歸所選國雅詩慰並爲海內所重

府志

何上如廣昌人好讀書絕意進取潛心理學著書甚富
子復漢字楚玉諸生年十二而孤事母孝母卒廬墓耿
精忠叛兵至邑復漢在墓廬不知也其戚挾之走始得
免及卒李光地銘其墓孫人龍康熙進士官翰林院檢

討

府志

邵睿明字先士南豐人明諸生山居講學不立門戶受
業者百餘人梁份汪瑤最知名

府志

梅錫字允公南城人諸生性孝友幼侍父病衣不解帶
父歿哀毀骨立奉母盡孝養數十年如一日諸兄早世
撫諸孤如己子歲災爲粥以食飢者以子之珩貴贈少

詹事

崇祀錄

梁份字質人南豐人師事彭士望魏禧講經世之學嘗
隻身游數萬里西盡武威張掖南極滇黔徧歷燕趙秦
晉齊魏之墟覽山川形勝訪歷代得失成敗荒遐軼事
著有成書又從邵睿明游樸摯強毅退守窮約至老不

挫

謝志
府志

鄒憲字宗原南豐人以詩受知於巡撫宋犖補弟子員
兩試不售卽棄去襖被遊閩越吳楚以達都門詩日益
富先達多倒屣迎之

府志

譚應昌字蔚華南豐人少學於梁份鄒憲又學於宿松
朱書以古文自見家綦貧勇於爲義邑中婦女苦節無
與表揚應昌輸己地爲隱節祠並爲文錄其事而已鵲
衣百結洒如也同時以博瞻著者曰李逢陽人稱六邨

先生府志

湯蘧字聖游少爲諸生孺慕奉親絕意進取肆力墳典
旁涉諸藝天文地理陰陽術數悉究其蘊耿精忠叛奉
二親避山中得全亂定後高尚終其身以子倓貴贈翰
林編修彭任撰傳

盧夔龍字雲翼瀘溪人歲貢生官龍泉訓導時喪亂初
定宮牆殫敗士民散落夔龍與邑令多方招集流亡漸
復旋攝萬安督學邵吳遠以兩學不與試者數十人謂
其陷賊欲褫之夔龍爲力言無是數十人皆獲全遷松
江府經歷攝縣事有政聲府志

李萼林字仲闇南豐人與弟芸林並明諸生隱居不仕
遭父喪哀毀骨立奉母至孝事大小必以聞時喪亂初

定萼林徒步百餘里揆訪遺書如恐不及

府志

涂斯皇字宜振諸生明尚書國鼎子鼎革後棄舉業與從子大詔

一作

結廬孔坊而隱甯都魏禧嘗主其家與

合刊史論

府志

魏定化字際明瀘溪人諸生丁世亂盜起草澤閒定化避居郡城亂稍平定化歸而餘黨猶踞貴溪之朗港與某弁相糾結恣焚掠定化以狀聞巡道李嘉猷發兵至朗港擒弁誅之瀘始安

府志

鄧玉字元白新城人明貢生順治乙酉邑人江以京倡亂玉偕同族鄧韶結勇士平之當路勸之仕不可隱邑南赤溪自號南邨主人與鄆郢鄧鼎江一紳諸人結南邨社觴詠自適

府志

曾秉豫字悅生南豐人工詩能鼓琴善技擊嘗避亂杏
山途中遇佳山水援琴寫之盜出林間攫其行李秉豫
手一筴連仆之還鼓自若與兄秉乾友愛無間母譚苦
節奉養盡禮母沒兄弟廬墓蔬食咸以孝稱

府志

魏奇字伯民瀘溪人明諸生嘗爲涂伯昌揭重熙薦於
唐王授莆田令辭不就既鼎革棄舉子業杜門著書遠
近從遊者數百人子文潢舉人邃於易

府志

王啟南豐人世耕樵啟守先業性篤摯母病侍榻旁不
少離母嗜菽飲既沒啟見釀具及田閒種豆卽泔泔涕
下湯來賀爲增其名曰啟孝字曰可風作說以表之

府志

鄧炅字日生南城人明御史鍊曾孫七歲讀詩南山飄
風篇自謂如入寒泉荒谷懷不可留徐拙庵稱其孝十

歲補諸生崇禎中選拔第一鼎革後不復出嘗言士君子報國有道進言者不必毛舉癥索而在拔本塞原樹節者不必斷脰捐肩所貴艱貞立志督學高涓師耳其名造廬請見欲薦之起不可學者稱頻伽先生府志
劉吉字耐庵南豐人幼敏慧年十一補弟子員明益王聞其名召入見屬對敏捷以公輔相期引見王妃親爲總髻賜予甚厚未幾鼎革吉遁蹟松門寺結茅屋數椽

歌詠終老

府志

趙希階字方石南豐人康熙鄉舉官公安知縣地苦盜希階廉得其淵藪掩捕皆服辜斗湖決戶口流亡相地築月隄互四里民恃以安堵旋乞歸

白志

潘翹生字楚駟南城人幼穎異嘗慕韓愈文起八代之

袁因自號起代邑令苗蕃晉東名士也見翹生異之康熙丙午翹生以誣繫獄蕃知其枉請於郡守得應鄉舉成解首明年登進士授庶吉士嘗分校禮闈察試卷不均之弊同事震懼弊遂絕轉刑科給事山右進士郭某手刃父仇獄成當論死翹生首疏其事得減等未幾卒中外惜之

府志

丁天漢字雲章瀘溪人有英略甲寅之變官兵駐瀘者萬人天漢度破賊有日瀘婦女有被掠者非賊屬恐緣坐先期簿列姓氏上之全活甚衆降兵屯田閩瀘之界爲民患天漢額大吏撤之邑人始安

府志

曾邦棟字巨卿南豐人有智略康熙乙卯攜家避寇楊梅砦丙辰十一月寇李懋珠將復圖城道出砦下與守

備呂穎遇穎兵寡不敵棟從砦上發大礮援之穎得脫去急募敢死士夜半從閒道走縣乞以羽檄抵郡請兵而已率諸弟邦橋秉泰與眾守望砦有大礮二受藥可三十勦慮礮少爲賊所乘乃削大木爲礮塗墨如鐵色植小紅旗顛顛然率眾人肩運作邪許聲前後相屬賊望見不敢近比將軍許貞雅圖率援師至賊遂敗走府志湯運字資持南豐人貢生康熙閒耿精忠叛僞部樂燦陷新城脅南豐遺黎從逆及官軍抵郡議加誅運與族人如龍叩軍前得免于燦有文學富著述以諸生終府志彭期字彥遠南豐人康熙進士內國史院撰文中書以繼母病告歸色養備至家居數十年閉戶嗜學校刊小學四書集注曾文定歐陽文忠集修學建橋助賑凡有

益於人之事無不力倡鄉人皆稱毅齋先生

謝志

黃光會字叔昭新城人康熙鄉舉直隸南皮知縣以廉能著李光地撫直隸力薦之擢陝西鄜州知州康熙閒仕進守資格州縣官由特除異數也抵鄜數月引疾歸兄亨會食貧守素光會官南皮招之不往曰青山紅塵兩不相易不亦善乎光會既歸闢城西且園兄弟相對浩然長吟子仲拔貢生建昌教諭文行並懋伋邑諸生

工詩

府志縣志

梅之珩字左白錫子家貧刻志勵學康熙進士改庶吉士授編修與修朱子全書周易折衷毛詩衍義淵鑑類函廣羣芳譜嘗充會試同考視學順天典試河南江南擢少詹事致仕之珩湛深經術服官取士具見根柢乘

輅既返采風入告四方恆陰受其福歿祀鄉賢

府志縣志

魯瑗字建玉新城人康熙進士改庶吉士授檢討典試

山西時稱得士兩任國子司業每集諸生講學娓娓不

倦牛平無疾言遽色人亦不敢干以私旋晉侍講掌春

坊轉太常少卿擢右通政引年致仕家居杜門教子次

第皆成名學者稱西邨先生

白志

潘大璘字貞子新城人康熙進士未授官乞歸闢澹園

以居閉戶卻掃子霽孫甫生並舉人有文學

府志縣志

李桃字有蕢南豐人康熙閒武舉能詩與同邑趙與羔

齊名商邱宋榮巡撫江西見桃詩於北蘭寺大加稱賞

亟物色之一日名動章門與羔字不黨少放逸老而貧

豪氣不減能行草書詩多散逸

府志

鄒瑄字晉公南豐人康熙進士卽墨知縣歲饑民仰海艘粟而海道販粟故有厲禁瑄請弛禁免稅粟大至民困以蘇萊郡卒因荒而譁民以卽墨效尤來告笑曰我在安有是召其隊長慰撫之仍豫放明年米一邑帖然地苦徵丁吏緣爲奸破民產瑄爲核實清釐之弊頓革水暴漲城不沒者三版瑄頓首城上爲民請命水遽退在官八年行取禮部主事典試廣東稱得人瑄初釋褐父昌祺勉以敬事後食之義瑄守父誠去卽墨時篋中餘七金所著有敬事齋記二卷子五四登賢書

府志

李長祚字天僕南豐人康熙進士知衡山縣詳革賦役加派雜費勒石垂久遠上官下其法各屬遵爲定式改調潯浦告歸卒於道

白志

胡銓字鑑亭新城人康熙進士知范縣下車首葺學宮立義學值歲饑多方賑恤招復流亡設藥局以療病施棺掩殮以恤死者范民感之卒祀名宦

白志

魏方泰字魯峯廣昌人康熙進士改庶吉士散館授檢討典山東福建鄉試視學雲南歷轉右通政擢僉都御史督西軍轉運者六年經涉萬里從容部署整隊立營咸有法度拊循徒旅人忘其勞雍正初擢太常卿遷正詹事旋攝內閣學士遷禮部侍郎大將軍年羹堯勢方赫與方泰爲同年生嘗就班中執手語意殷渥方泰正色答之

世宗嘗語廷臣朱軾張廷玉沈近思魏方泰朕可信其始終不二人謂方泰且大用而方泰力請致仕未幾卒祀雲南

名宦本縣鄉賢祠

府志
縣志

劉霽字左璞南豐人父萬秩貢生官星子興國訓導主管白鹿洞書院霽康熙鄉舉授內閣中書請養還里生平勇於爲義邑中編糧積弊已久知縣趙府圖至集紳士議之霽首請行歸都里法言之鑿鑿趙大然之屬其事於霽及危彬趙與縉諸人初議未定眾頗疑暨聞霽往始帖然其後危趙皆出仕而霽實終始其役至今稱便子三秉彝秉亮舉人秉鈞進士彝子焯編修

府志
縣志

魏定國字步千方泰長子康熙進士官應城縣民有魏青天之頌鄰縣雲夢孝感諸令擾民幾激變郡守檄定國往立解散以卓異擢知冀州進杭州知府再遷河南按察使上蔡令爲巡撫私人直揭其罪令遂被劾去雪

商邱冤獄釋無辜者調直隸按察使以註誤戍黑龍江
乾隆元年起官陝西按察使權布政使藩司例有平餘
銀數千兩屏不納以卹州縣客死其旅櫬家口不能歸
者擢山東布政使尋調安徽上下江水災發粟以振饑
民散出者隨地留養給之絮衣全活數十萬人擢安徽
巡撫入爲刑部右侍郎調吏部致仕十六年入

觀

賜者年清望匾額卒年七十有八子涵暉登州知府允迪內閣

侍讀淵映瀏陽知縣孫壽曾舉人國子監學正

府志縣志

梅渭字文瀾南城人康熙鄉舉少讀書目數行下弱冠
從外舅鄧炅學古文南豐梁份同邑王勛皆與爲友閩
南詹明章寓盱一見異之與論易學一上春官不第絕

意進取事母至孝母有不懌率妻孥長跪必俟歡笑乃

起

府志
縣志

陶成字企大南城人父迪邑諸生質直自好以正學訓弟子成年十六卽有志聖賢一以小學自範十九從黃采遊篤信不惑母卒緣古禮治喪晝投徒養父暮衰經宿墓間三年如一日成進士改庶吉士授檢討旋致仕巡撫聘主豫章書院成喜曰是可藉以張吾道矣爰立教條斥功利擯俗學以居敬有恥爲窮理致用之本日與諸生講貫廣昌黃永年甯都彭揆鉛山高爲阜皆稱高足弟子雍正閒總纂省志約同事毋私祖父母徇交游晚遊廬山構歸去來館及醉谷田以祀其祖陶靖節又建靖節祠於南昌傍祠結屋曰吾廬學者稱吾廬先

生府志

魯立字蒼鶴新城人康熙進士入翰林母老乞歸歷久不出循外官例休致或爲立惋惜立曰吾自願迂疏不足爲時緩急得長侍老母幸矣會

世宗登極詔翰林休致者並引

見錄用時立已終喪扁舟赴闕

召對

上顧大學士張廷玉曰魯立人甚老成可予檢討故事庶常散

館後始授編檢立未與試特除官蓋異數也

府志縣志

梅廷對字以茂之珩次子少工書畫康熙進士累官廣西道御史與修八旗通志一統志巡漕山東授山東運使以事罷歸始官翰林時同館有以五百金寄其寓者

逾月寄金人病卒訪其所親歸之里居值歲饑首發粟

平糶爲富民倡鄉里稱焉

府志

危彬字景曹南豐人少孤貧母曾氏知禮義紡績課子彬稍長與弟楷日貿布營甘旨午夜讀書交相勵砥彬康熙鄉舉官甯州學正勸學植品士多成就甯州在萬山中久鮮科目彬至後掇巍科入中祕者相繼而起人以爲善於其職也楷亦登鄉舉授安塞知縣初謁選吏部揭奏易其姓爲元安塞新設縣楷至具有經畫旋引疾歸母卒勺水不食者五日

府志
縣志

湯倓字以安南豐人諸生康熙癸巳以五經舉旋成進士改庶吉士散館授編修

世宗登極倓厯陳崇實學操旗軍移湖口關於大姑塘修漕運

河諸疏拜文綺之賜與修

聖祖實錄擢御史巡視西征軍騎營時軍駐德勝門外暑甚方

蓐食倏趣令移營甫定而雨驟作水大至人莫測也倏

又有釐正文廟從祀禁奪情定大禮諸疏持論正大引

疾歸卒弟儼舉人知縣

府志縣志

李鳳岐字周來南豐人五歲喪母視含殮兩手握母哭
不得脫事繼母以孝聞長受學於季父嘉懋與湯俠趙
與縉八人結在田會講學康熙乙未成進士改庶吉士
明年七月病卒檢囊中存錢二百友人危彬經紀其喪
以歸

府志

梅枚字功臣

一作升

南城人工詩古文少游豫章與知名

士九十餘人相切劘顏其堂曰正學康熙進士授河內

知縣開九河堰道通漕運調儀封值河隄潰水大至民
屈岌岌枚出駐隄上誓以身殉水不爲患擢知禹州攝
許州並有聲雍正十一年以河東總督王士俊薦舉博
學鴻詞十三年又以治行列刻章入

觀先試一以貫之論南郊瑞雪賦一氣轉洪鈞詩還任候進止

乾隆元年擢泰安知府興學校省徭役潔己愛民三年

卒於官

府志 鶴徵後錄

鄧牧字乃夢南豐人父由高有詩名牧少口吃而淵涵
今古人不可窮其際名流皆爲傾倒李紱尤重之旣成
進士自陳願爲學官遂教授撫州以巡撫常安薦徵試
博學鴻詞報罷尋卒子必安必大皆舉人兄耕諸生能
文章工詩與牧齊名

府志 縣志 鶴徵後錄

陳以汧字西岐新城人父一翰明末隱大溪山以汧故素封性耽讀不事生業家遂中落爲諸生二十餘年教授生徒自給崇德修行識與不識皆稱其長者

府志

劉凝字二至南豐人諸生性嗜學購書至數萬卷研討入奧通六書著述繁夥嘗官崇義訓導兵燹初定士氣未復凝官十五載招集誘掖人知嚮學子都廩生承守

家法亦以著述鳴世

府志
縣志

趙甯靜字方白南豐人倂儻敏爽工爲詩歌侍郎李紱薦應博學鴻詞科被放復薦充三禮館纂修簡親王德沛未襲封時曾督兩江聘居幕府命子恆質從學禮敬不衰甯靜以念母辭歸遂不出著書終老

府志

羅榮字珂雪廣昌人十歲讀禮記至博聞強識敦善行

而不息慨然慕之家故多藏書日夜沈浸以竟其業爲諸生三十餘年困於有司以選拔貢生終生平刻意著述有耐耕堂集百三十餘卷

府志

湯廷竹字渭川南豐人工古文人短而脩頭大如斗人呼爲巨頭公平居啍啍飲以酒輒呵詈當世文士進士鄧牧負才廣交獨禮下廷竹如弟子閤學李紱讀其文驚爲古人年五十學使者物色得之籍諸生久之竟以

窮卒

府志

陳世爵字浣修以汧子有幹才善生計顧好施與散藥給樁無虛日乾隆癸亥歲饑走外郡買粟六千石賑鄉里年七十一卒遺言以租田二千石贍宗族定規約依范氏義莊法尤具衡鑒識南昌彭元瑞於少時子道自

有傳

府志

王文佐字君選南豐人貢生性純孝年十二值閩寇警諸兄皆遠出文佐獨依父母居長山父病延醫暮夜走百里虎踞叢林不爲畏居喪廬墓三年白潢撫江右廣諮利弊文佐陳六事悉見采納鄱陽湖草舟請編入保甲以清盜源其一也雍正七年舉孝子奉

旨建坊立專祠有司歲時致祭

府志
縣志

張江字百川南城人少孤力學與同邑何天爵羅熈梅枚潘安禮並秀出一時江兼工制舉文字天下無不知有百川者雍正癸卯成進士大學士張廷玉稱江文第一改庶吉士踰年授編修會大學士朱軾總纂歷代名儒名臣列傳以名臣屬江論贊古質大爲軾所賞生平

沈酣經史詩古文皆不媿作者乃以制藝盛傳竟爲所

掩年未四十卒

府志

魏運景字昇期廣昌人雍正鄉舉五年

特旨揀選會試舉人集內殿試列高等以福建知縣用權知泰

甯以憂歸起補廣西臨桂知縣獠獍雜居治不易運景寬嚴相濟獠人頌之擢東蘭知州權太平慶遠知府苗疆用兵應軍需無缺敘功授平樂知府調桂林罷歸子

洪舉人

府志

鄧士楚字翹瞻新城人雍正進士謁選直隸安平知縣前令卒虧帑金五百拘係其孫無以償士楚代償之乃得歸士楚居官公廉人無敢干以私者鹽賈例歲進金爲昂值計士楚禁弗進民德之初至縣時應童子試者

僅百人士楚恤孤貧進善類士氣振興及三年至三百人婦某自縊死婦弟誣爲前妻子所逼訟之士楚察其子孝爲白其冤移權饒陽奸民胡某爲害鄉曲執而寘之法民稱快旋改教職歸選袁州教授不赴囊無贏蓄市書一車而已安平人祠祀之

府志縣志

黃祐字啟彬新城人雍正進士改庶吉士習清書散館第一授編修轉御史擢刑科給事中出爲江南驛傳鹽法道淮徐水災行部所至令有司設棚棲露處者里凡幾棚棚凡幾人具於冊於是準道里遠近分司周給東驗票西給賑無遺無濫遂爲善法鄉有豐收者亦具詞乞賑祐疑之錄其狀令唱名詢甲曰汝真名乎曰然次及乙乙應遲叱曰僞名也呼予杖乙乞哀謂受甲指使

祐顧甲老不任杖詢有子乎曰無子曰無子則乙代杖
乙連呼曰渠實有二子在某所祐令拘二子冒賑者環
視恇怯作鳥獸散其明決如此濱江蘆洲舊例五年一
丈量胥吏故爲增減恣焚索祐飭洲佃先自陳冊言坍
漲親行履勘弊遂絕嘗著書考驛傳鹽法源流沿革分
別門類資稽核故洞悉利害改山西雁平道旋調冀甯
遇災施賑如江南四境輯謐兼主晉陽書院多所成就
晉人尸祝之以病歸建黎川書院躬自課士不爲速化
嘗爲會試同考官得士胡宗瑞任應烈董邦達嵇璜羅
漢龔煥文皆能以文章經濟著名於時子登瀛舉人龍
南教諭澄進士江夏知縣孫誥舉人懷集知縣府志
縣志
黃元吉字奩若廣昌人父官敘舉人元吉年十四喪母

勺水不入口三日疏食水飲哭無時淚盡繼之以血雍正癸卯舉於鄉猶發哀為母之不及見也早卒臨川李紱為之傳府志

饒一辛字近韓廣昌人父聯飛性峻介色笑不假人好讀書以古學授一辛一辛由是專意於經雍正甲辰舉於鄉座主孫嘉淦待以國士大學士朱軾薦於朝授新建教諭再以順天府尹陳守創薦應博學鴻詞科未幾卒子學職舉人金堂知縣擢知雲州有善政學曙乾隆辛未一甲二名進士歷官中允左遷編修卒學昉與學職同舉鄉薦

咸安宮教習兄弟並有文采照耀一時府志 徵後錄 鶴

潘安禮字立夫南城人性敦敏以孝友重鄉里為學綜

貫百家與梅枚鄧士錦齊名成雍正進士授戶部主事
擢刑部員外郎坐事降補太常寺典簿大學士朱軾薦
應博學鴻詞科以第二人授編修官至左諭德未幾卒
生平喜扶掖後進常若不及先後充會試同考官所得
皆知名士無子病亟時時有惋惜者安禮懼然曰若不
讀鄧用晦詩乎薪火兒孫天下滿予著作具在東山未
必不兒也府志 鶴徵後錄 謹案建昌薦應博學鴻
詞科者九人鄧士錦廖理梅枚鄧收李顥趙
甯靜饒一辛黃永年魏允迪也士錦字太初南城諸生
保舉廣東額外教授允迪字功復廣昌舉人皆兵部尚
書甘汝來薦理南城人灝字柱文南豐諸生
皆巡撫常安薦四人府志無傳今附識於此
何曰熙字克輝新城人雍正鄉舉官內閣中書屢隨諸
大臣巡海巡河閱兵鞠獄皆著勞績擢吏部文選司主
事侍直軍機房京察上等時用兵大金川曰熙隨經略

往勦盛暑一晝夜兼行三百餘里以疾卒於軍中奉

旨優卹

府志

潘中立字在田新城人雍正鄉舉考授內閣中書旋成進士擢內閣侍讀直軍機房出典貴州鄉試擢刑部湖廣司郎中卒中立少有異稟意氣豪邁工詩如其爲人嘗謂詩不必盛唐卽宋元人皆有至處亦通論也

府志

魯朝聘字竹溪新城人以諸生入貲得縣令除貴州都勻權獨山州雍正中清理苗疆巡撫張廣泗進勦以八寨爲九股咽喉分兵三路入檄朝聘統州屬土兵抵關口苗據險拒朝聘躬冒矢石麾兵疾進遂破交歸羊甲等寨斬首二十一級苗大挫叩廣泗營求撫旣移師丹江屢攻不克八寨復叛朝聘留守九門寨腹背受敵卒

無挫衄 大兵再平八寨廣泗請城其地立營汛卽以
朝聘爲八寨理苗同知凡三歲規制大定創義學延師
教苗人子弟千百年阻化之區至是始被文教十三年
古州諸苗亂八寨苗復蠢動自夏徂冬累攻城城中額
兵八百半調他處勢岌岌朝聘率士卒城守每決戰分
兵出苗後來擊又多設旗幟爲疑兵苗莫測虛實斂兵
退久之度城終不可下乃散去明年 大兵進剿苗悉
平乃設屯軍以苗絕戶田爲屯田朝聘又分八寨爲十
屯指畫措置咸中經法累擢都勻知府以老歸年七十
七卒子慶進士

南志
縣志

馮行字人也新城人讀書自得不以名利介意嘗刻黎
川文載表章先哲著書數種以釐正失傳之道學人謂

行與涂登爲真秀才

府志

涂登字于岸新城人幼嗜學發藏篋得司馬遷史記好之輒篝鐙夜誦長爲文湛深宏博益泛濫於諸子百家年近壯讀陸象山書始專意切己之學雍正間巡撫常安欲舉鴻詞登謝不赴乾隆己未再舉經學復辭郡守

葉新署其名於旌善亭

府志

湯椿年字祚培來賀孫貢生官分宜訓導雍正初父永寬以事株連被逮入都椿年冒風雪走三千里號籲於法司鞭笞亂下不少避眾皆感歎呼爲孝子已而永寬安置滄州椿年往來賣卜以供菽水三年父卒扶柩還過臨清暴風壞舟柩忽置岸上若有陰護之者既至家葬祭盡禮克守遺命乾隆二年奉

旨旌表

府志

黃永年字靜山廣昌人學於族祖建復師南豐梁份已而獨居白田山中者十年靜證實驗得立身行己之要南城陶成少許可獨引進之巡撫常安薦舉博學鴻詞以先成進士不與試授刑部主事敝車蹇驢入曹治事歸閉門手一編蕭然自得大學士鄂爾泰聞而賢之內閣學士秦蕙田至舉以自代晉員外郎轉郎中奉使決獄江南授鎮江知府改常州皆有政譽去職卒邸舍永年自官刑部迄守外郡介節凜然忌者多口一時賢士大夫若方苞陳大受尹繼善雷鋐則交重之雖流言不信也

府志

徵後錄

桂

黃文則字周炳新城人少孤力學以五經舉於鄉乾隆

丙辰會試被放有

旨搜遺禮部侍郎桐城方苞得其文奏上成進士充

咸安宮教習逾年請就教職選吉安教授俸滿擢貴州印

江知縣築城西謝公廢隄灌田四百頃印俗小戶錙銖
供稅吏緣爲姦文則下令合諸小戶許其彙納民皆德
之以憂歸起補安徽懷甯知縣縣當淮渦之衝頻年被
潦悉心經畫曲中民隱服官三年以疾免子道嘉附貢
生陝西漢陰知縣亦有循聲孫嵩齡進士浙江平湖知
縣壽齡進士入翰林累官國子司業工書

府志

吳炳字弢園南豐人乾隆進士選陝西宜川知縣民有
婦爲食食其夫與舅而已適歸母家旣夫與舅死其家
以寘毒訟婦炳察婦無他驗寘食處乃蜘蛛毒也婦獲

白調長安以事杖總督旗牌官總督尹繼善聞而重之前官有獄已定讞炳察其誣也改狀上之巡撫以旣申部不當改炳力爭卒申其議然巡撫勿善也顧以能吏奏擢葭州知州將以難之時準噶爾用兵由口北捷徑過葭州軍行恠憊炳區處百餘日諸務就緒惟驛馬少抗詞請益爲定西副將軍所誣遂鐫級陳宏謀再撫陝夙知炳奏復原官借補咸陽知縣又權邠州邠咸陽皆軍衝炳承葭州後益整暇軍過境不令入城城外除地選吏主交易物價不足官償之民以不擾又權華州民有勒死古廟中者驗其繩蓋嘗縛鋸察近邨木工搜其家故鋸已易絃一訊而服再補隴州改山西應州興水利築堰壩條陳北方水田利害具有本末遷平定州目

疾乞歸子應咸自有傳後數十年劉斯裕官山西治民
爭水事求故文書得炳所立條目事乃決斯裕炳女孫

之壻也

府志
縣志

傅彤字儀翰瀘溪人少英敏雍正鄉舉應聘爲浙江同
考乾隆丁巳成進士時新進士許便宜言地方事彤乃
上言瀘溪山多水少漕運實難請得如廣昌例改折爲
便會瀘溪知縣王鉞子文璿官諫垣上疏與彤合改折
議遂定鄉人德之瀘水西下數十里與廣信合流險阻
不能通舟楫彤創議開河伐石導流功將就有爲蜚語
搆之者竟中止彤性剛介勇於爲義不爲齷齪者所容
客遊淮陽卒

府志

趙由儀字山南南豐人四歲能作文十七膺鄉舉兩上

春官不第肆力於詩益砥氣節孝親信友急患難如饑渴當道重其名欲羅致之不顧也由儀旣自重不與流俗伍流俗嫉之競搆蜚語中由儀乃作感遇詩以見志讀者哀之年二十三卒知由儀者不遠千里來哭其喪其婦翁曰曾章亦能詩號早白子

府志縣志

趙山仁字體元南豐人乾隆甲子以五經舉於鄉官直隸廣昌知縣發糶賑饑全活甚眾擢湖南郴州知州以母老歸子宜喜陝西花馬池鹽大使累官雲南布政使有幹濟才坐事貶刑部郎中孫秉初紹興知府秉襄舉人候補郎中改同知孫德潏自有傳

府志縣志

謝鳴謙字致恭南豐人幼時作石公傳爲危彬所賞爲諸生累試不售客於大學士陳宏謀宏謀亟稱之與弟

鳴盛鳴篁從兄有量兄子宣並以古文鳴世

府志
縣志

趙由俶字頤正南豐人兩舉副榜貢生官山西平定州
判擢福建永定知縣調知福鼎禽洋盜陳佳能等一十
四人再調侯官受總督檄之古田獲賊渠王好及其黨
釋脅從者四人鄰邑大水越境拯濟累擢廣西泗城知
府泗城民苗雜處由俶謹持大體不爲苛細合境便之
迭權柳州平樂再權桂林兼管龍勝通判護驛鹽道印
以憂去起補貴州安順府護貴西道印治如廣西旣引
疾家居出積俸建祖祠增祭產立義田費金錢萬計曾
孫鏞自有傳

府志
縣志

陳道字紹洙世爵子生而端重幼從父受小學近思錄
比長肄業國子監時孫嘉淦主監事一見許爲大器師

廣昌黃永年沈潛宋五子書旁及水利農田軍政邊防
諸務其論學大旨專宗濂洛兼資陸王尤服膺寂感相
資之說成進士以父母衰老終鮮兄弟遂不入仕家居
立義田二千畝仿范仲淹遺法歲大饑承父命運糴編
戶計口以賑桀黠者得食亦馴服遠近賴以安自是他
歉歲踵行之黃永年被議卒於吳道經紀其喪梓其文
集海甯祝淦以飢驅故奔走四方中年尤艱嗣息道方
疏春秋五傳約祝注禮記資以館穀俾無遠遊爲似續
計祝後有子命名曰陳永誌其德也道旣卒門人魯九

皋裒其遺集

府志

陳守誠字伯常道長子入資爲員外郎選授浙江金衢
嚴道甫至官賑水災修萬安橋益書院膏火資次第就

舉浙撫莊有恭以列郡災甚奏以銀三十六萬入楚購米湖南撫臣請卽以楚漕轉浙於是檄守誠往督過洞庭汎長江而下不損顆粒旋以憂歸先是父道欲創邑書院迨書院成而道卒守誠出二千金置書院以竟父志居南昌友人汪軻窮於詩爲置田百畝居京師有故人爲邑宰身後蕭然遺一女將失所守誠慨然迎歸擇學士周玉章之子相綬壻之資送如己女表曰修爲紀其事

府志
縣志

陳守詒字仲牧道次子官兵部武選司員外郎居二年以兄守誠卒引疾歸先是守詒以親命與昆季析產而守誠好施與旣卒遂無餘蓄守詒諗其故乃率諸弟各出所有重析之鄉里歎其賢守誠長子元卒以其子希

祖希曾屬守詒守詒護視甚謹與同邑魯仕驥躬任教
督率底於成其友愛類如此再出服官擢車駕司郎中
監督大通橋出爲安徽太平知府調陳州士民安之官
陳州五年遂乞休

府志

陳守訓字良叔道四子援例得州同知江西會城地卑
溼賴豫章溝引水入東湖以達城外賢士湖久淤塞雨
至輒溢守訓慨然任其事工竣大吏爲陳請議敘以原
銜改實任再入貲改員外郎擢郎中嘗從

駕木蘭故事熱河校射滿漢臣工皆與連中三矢者

賞花翎至是守訓中二矢

高宗笑曰漢員能此可嘉也出爲山東濟東道值連歲旱守訓
發橐中金三千倡屬官捐賑已而大疫守訓於赤日中

江蘇按察使步禱泰山遂得疾時已擢江蘇按察使

命下守訓卒三日矣

府志縣志

魯仕驥字絜非晚更名九皋新城人少受業陳道爲宋儒之學謁朱仕琇受古文法桐城姚鼐謂新城古文得仕驥而日盛也由進士官山西夏縣知縣值後藏用兵郵傳往來不絕縣舊分二十餘里以次出錢供役謂之里差吏因緣爲利民大困仕驥持守旣廉又減其役之得已者而重禁侵蠹民樂爲役其處民也殷殷如家人婦子告以理義皆忻然聽教薄俗以化在官一年卒初仕驥嘗爲同邑陳氏手定廣仁莊規約後復勸里中捐穀附之又倡設義田以贍宗族經畫久遠厯今不替居鄉里循循善導鄉人無訟者垂三十年遇時亢旱手爲

文以禱率有應驗子肇熊舉人肇光嗣光拔貢生嗣光
能古文博通經史彭元瑞翁方綱邵晉涵多稱之

府志
縣志

賴晉字錫蕃廣昌人治古文能詩工爲新樂府乾隆進
士官江蘇安東知縣嘗賑災與民處泥濘中不敢自逸
民無流亡改知鎮洋治茜涇以杜湖患濬劉家河六十
里薦擢永甯知州以驛傳失職免歸民苗環馬首乞留
復選賓州未任卒京邸

府志

陶金諧字揮五南城人乾隆進士官湖南溆浦令調江
華皆有政績以憂歸哀毀盡禮遂絕宦情金諧問學淹
雅工爲詩喜造就後學胡棠吳煊吳照丁鵬皆投贄稱

弟子

府志

陶其慤字孚中南城人少孤貧育於嫂氏稍長肆力於學博通經史乾隆進士刑部主事總辦秋審精究法律治獄持平累擢郎中出爲河南彰德府知府屬僚清肅素工詩暇輒吟詠以見意

府志

譚尙忠字因夏南豐人曾祖持以好施落其家三傳而生尙忠乾隆進士由戶部主事累擢御史出爲興泉永道坐事奪官初尙忠在戶部嘗司寶泉局

高宗察局中事得尙忠無私狀乃復起爲刑部員外郎旋授高廉道擢河南按察使數平反疑獄調廣東再補甘肅甘肅方以前布政使冒賑蝕納監銀通同爲奸利後敗露興大獄而尙忠無干染以是擢山西布政使舊例派富民充商購銅有司浮收而薄給值破家者不勝數尙忠

令合輸五年採買貲交鋪戶而官爲收息買銅富民德之尋升巡撫調安徽以事忤和坤貶福建按察使起雲南布政使再晉巡撫時雲南私錢充斥尙忠乃令設局收買以私錢準廢銅例七觔易官錢一千而嚴緝盜鑄者由是私錢漸稀在雲南九年四境安謐歲常有秋及

入

覲而旱父老曰譚公攜雨去邪以耳重聽求內用改刑部侍郎出典湖北鄉試嘉慶元年調吏部侍郎卒祀鄉賢尙忠仕宦數十年家無中貲自奉甚儉嘗爲五簋約以風率僚屬子光祚正二品蔭生刑部主事光祜四川通判光

祥自有傳

本傳
府志

劉秉鈞字禹和南豐人初父霽沒母以哀毀幾失明秉

釣年十二步禱於軍山之神而愈乾隆進士選授浙江
嵎縣知縣嘗禱雨龍井山未還而雨注土人名其地爲
甘霖鎮調福建浦城縣鄰境民嘯聚事叵測秉鈞廉知
之集丁壯禽其魁論如法大府以爲才擢守延平延平
爲秉鈞遠祖壩教授地秉鈞至益留心文教士爲之奮
未幾卒於官

府志

黃堂字秋水瀘溪人少穎悟年九歲爲詩文立就有神
童之目乾隆進士選授安徽宿松知縣宿松俗刁悍石
吳賀三姓富民也爭墳穴以貲角勝負訟久不決堂至
謝請謁平曲直訟立解收奴縱豕踐田禾農夫執槍逐
之傷其足旣愈以疾死而黠者嗾以死槍刃控不休將
論抵堂廉得其疾死狀獄遂白邑西界湖北黃梅縣黃

梅獲竊盜宿松民也令鞫得在齋行竊而以獲鄰省逸盜報檄至宿松宿松吏請補贖可無害堂曰黃梅以爲盜吾邑自竊耳原詞穴壁可據也計賊輕法不當死附和成獄吾不忍爲卒以是墨吏議去官堂孝於親篤於朋友其父踰五十歲始生堂年九十餘堂服勤至老曲盡其歡廣昌詩人何鶴年堂執友也客死天津爲護其櫬以歸聞者義焉子錯舉人陝西靖邊知縣府志縣志

劉焯字聿修南豐人乾隆進士以庶吉士授編修充

國史方略三通館纂修薦用御史已奉

旨記名矣旋出爲河南西華知縣嘗新長平橋民感其德政呼劉公橋 大兵征緬甸河南解驛送臺站路有斃者率責民買補或多派騾覬侵其贏焯爲詳定騾數民不苦

輸調太康以卓異薦補貴州平越縣調湄潭擢馬龍知州旋乞歸家居垂三十年邑西門外有孔道濱江每水至路沒入江行者多患焯告於眾裒金修之成坦途

府志

縣志

魯鴻字懷遠瑗之孫京季子乾隆進士歷官河南沈邱滎澤孟縣知縣鴻少讀書慕古人行蹟思以實用自見沈邱鄰江南之阜陽兩邑盜易地以匿官不得捕遂爲盜藪鴻推誠信約兩縣合捕宿盜皆獲在孟縣時屬征金川師過境感鴻清德無有譁者子四幼子續能承父學少爲文輒出其儕類既長從族兄九舉學古文嘉慶丁丑成進士桐城姚鼐嘗稱之

府志

魯華祝本名河字肇崙瑗孫乾隆進士官山西右玉知

縣以憂歸服闋補官四川總督福康安器之奏擢馬邊廳通判嘗管西藏糧務隨使者入藏勘巴勒布與後藏地界事平擢知酉陽州乾隆末黔蜀湖南苗分擾三省大軍進討川督孫士毅駐節秀山檄華祝回酉陽督後路轉輸嘉慶初湖北教匪起闖入酉陽邊界軍需孔亟華祝外固疆圉內撫流亡州卒無恙擢潼川知府時教匪未靖渡嘉陵江越潼河犯府屬六邑烽火竟日夜華祝慷慨登陴櫻城死守曾德楞泰引兵至賊始就殲明年川北次第肅清堅請乞休歸未二載而卒仲子仕驥以效力苗疆議敘縣丞奉檄接解陝餉積勞成疾歿於南充如陣亡例議卹贈國子監學錄給祭葬銀從子仕

驤進士福建安溪知縣

府志

羅經字守亭南豐人乾隆進士官湖北房縣知縣調天門房縣民愛之具牒大府乞留既之天門歲旱請賑以活饑民擢武黃江防同知累官福建汀州知府子宜誥

進士官知縣

府志縣志

黃人驥字文豹新城人乾隆進士官山西垣曲知縣育士安民不煩而治調署壽陽方陝甘用兵羽檄交馳地當孔道人驥畫治軍務夕理民事周帑無遺再權文水俗悍而刁鉤稽積牘日予判決閱月而民服獄訟休息疾作旋乞歸曾孫長森進士

府志縣志

李祖謨字禹言南豐人乾隆鄉舉官望江知縣以廉直爲治歲歉身自勘戶施賑不假吏胥嚴治奸宄民賴安枕充江南同考官得士李賡芸鮑桂星並以文章經濟

躋位通顯嘗署廣德州兄弟競產甲以千金奉祖謨祖謨卽以畀乙俾爲兄弟如初旋調貴池終湖南安鄉知

縣

府志

劉斌字見南南豐人乾隆進士刑部主事擢員外郎典試山西授四川學政累擢吏部郎中大學士阿桂奏留刑部補陝西司斌以母年近八十乞假歸阿桂數勸留不可曰斌以家貧資祿養離母十餘載矣貪榮忘親國用是人旣歸數月而母卒服闋補原官出爲甘州知府甘州地瘠民貧先時夫馬徭役及官中所需薪米膳羞皆取諸民斌首除之復請大吏借籽種散放買補倉儲豁積逋之無所出者又改徵草爲折色數年郡大治嘗會勘獨峯口阿拉善地界奪還地六十里復勘安

西馬廠西甯八寶山木植皆聚訟已數十年一旦而決
大計卓異擢浙江溫處道時海氛不靖熾建備匪八議
又議令兵船各就本轄防守革水師營伍抽分商船諸
弊飭沿海邨畧行團練鄉勇法擢福建按察使權布政
使漳泉諸府俗悍不馴

上屢詔請求整頓之法熾上六議曰慎選守令責成久任整飭
營伍申明賞罪豫求經費廣備倉儲復疏請閩洋商船
援粵省例酌帶礮械禦盜事下巡撫皆如議熾勤治獄
夜漏二下猶不休在官八月積牘盡理而鬚髮皆白擢
浙江布政使

上眷顧深諭撫臣汪志伊曰劉熾俾卽日起程毋因交代細事
稽其赴任旣之浙江適紹金衢嚴諸郡水災熾以諸州

縣逃亡絕戶虛糧并歸淹沒地數言於巡撫奏請援免
居三年乞疾歸逾年卽家起刑部右侍郎至京疾復作
告歸卒子斯祐縣丞斯璋舉人官知縣斯帽自有傳斯
增進士官知州孫綬拔貢生

府志
縣志

魯蘭枝字德馨祖立父湘承清宦後中道貧乏困於小
試終不自苟蘭枝少好學誦書輒達旦顧境益迫乃與
弟蘭本轉徙末業營菽水養親乾隆己丑蘭枝成進士
授吏部主事累擢郎中在官勤慎廉能不事躁進大學
士劉統勳倚重之薦舉知府蘭枝辭旋轉山東京畿道
監察御史兵科掌印給事中屢奉使巡城巡漕直聲播
中外疏陳荆關稅單隱漏及弭盜采買救荒劾吏部違
例保升諸事以抗直聞會疏論學士札郎阿之子圖薩

殺人事部議鐫級遂乞歸不復出

府志
縣志

劉紹錦字日章南豐人乾隆進士吏部考功司主事累官順天府府丞提督學政以言事罷官里居蕭然如寒

素

府志

楊以潒字東之新城人自明天順後楊氏世以好義稱以潒曾祖祖父三代皆起科第以潒中乾隆進士官部曹轉御史出補雲南迤西兵備道留心庶獄振興書院卒於滇滇人尸祝之弟以潒歷官山東知縣有循聲

府志

志

縣志

楊元藻字卓三新城人父大鳳浙江富陽知縣元藻乾隆進上官廣東定安知縣脩南多蟹戶以出海捕魚爲業偶爲盜掠乘閒逃歸武弁獲之凡二十餘人欲以盜

論元藻曰彼逃歸非盜也若周內之既辜向善之心益增爲盜之黨據情上陳皆得釋由是逃歸者日眾累擢

連州知州

府志

吳鼎字陟台南豐人乾隆副榜貢生以教習期滿選湖北黃梅知縣時方征苗徵調諸軍絡繹過境鼎恐擾民先期俟境上謁其長爲具羊酒軍無譁者再調孝感被檄勘蘄州芟洲之訟已歷百餘年聽訟者往往兩取其賄而止鼎至賄如前卻不納日中而決之民爲立碑性方嚴嚙笑不苟始得官謁座主周煌煌感然曰子不幸作知縣知縣非易爲慎之慎之其毋喪祖德也鼎爲悚然在官不濫受一錢以鯁直忤上官罷歸

府志

鄧燠字曙初新城人乾隆閒與兄元瑛同鄉舉大挑官

知縣分發四川權太平治獄精敏陝西陳世訓與弟妻同謀殺夫熿聽他獄得之寘之法大府嘉其能奏擢同知權嘉定府事會湖南苗亂進勦官軍俱由嘉定熿督所屬籌應供億悉合機宜繼而教匪王三槐起蔓延川陝楚豫熿奉檄總理儲精時事孔亟屬縣半遭焚掠且無城郭熿並率僚屬力籌防禦卒獲安謐補水利同知隨營辦賊鞠訊俘獲釋脅從者數千人再權甯遠府事甯遠故牂牁地漢夷雜處輒相賊殺熿懾以嚴厲舊俗稍革會教匪偷渡嘉陵江蜀西震動調權崇慶州募兵設卡賊不敢犯累遷夔州知府

府志

曾廷樸字春侔南城人生八月而孤家貧與兄廷枚依鐙共讀母丁紡織以資衣食乾隆乙未廷樸成進士

入翰林改官刑部主事擢員外郎總辦秋審除山東曹州知府曹大旱饑民以草木爲食時

上南巡廷樞陳請借給籽種銀三萬兩又自爲粥以食餓者民賴以生量移濟南府兼護濟東泰武臨道以勞致疾卒

府志

鄧友樞字茂之南城人貢生鄱陽訓導秩滿擢贛縣教諭贛俗尙武兵素悍率牧馬學宮友樞至嚴爲防護會兵縱馬櫺星門禁之不聽友樞叱縛兵告其營長諸營皆譟闕學宮者幾千人友樞毅然出白總兵總兵不爲理乃訴於巡撫奏入奉

旨嚴懲總兵以下降罰有差首惡正法贛兵稍戢丁內艱歸旋

卒

府志

曾煥字庶蕃一字賓谷廷樞次子乾隆進士改庶吉士散館授戶部主事充軍機章京擢員外郎出爲兩淮鹽運使遷湖北按察使長沙武進士謝某橫行鄉曲人不取捕煥入境密禽治之盡得其不法狀戍之極邊擢廣東布政使時勦撫洋盜議安插諸費頗艱籌畫煥入

見面陳機宜

上詔粵省督撫如煥奏行擢貴州巡撫兼權學政黔地磽瘠民苗雜處凡諸聽訟袒民虐苗苗負屈思亂煥至卽糾壘吏獄務持平民苗皆感服蜀寇劉大武掠黔邊煥督標兵禽之置於法厯疏屯軍倉儲編審諸法均施行尋以母疾乞養歸旣終喪起兩淮鹽政任滿復留者四道光

閒

召還京左遷五品京堂煥工文章好士慕古在揚州開題襟館
賓禮四方名士在黔建祠祀漢儒尹珍俾黔人知學晚
年居京師猶日事丹鉛與諸名流考校文史海內稱之
子協均字舜臣道光鄉舉以中書直軍機處累遷御史
同治六年出守廣西慶遠府黔苗犯郡城登陴固守賊
不能入奉檄兼綜柳慶防務督團丁屢敗苗眾管内肅
清敘功擢道員

賞戴花翎移署平樂值土匪構難請兵剿之禽其渠魁郡海饑
倉無積粟協均敦勸籌備並捐俸爲之倡諸倉遂積加
鹽運使銜改江蘇候補道協均學問淹貫詩文有父風
居家尤以孝友著聲云

府志 縣志
采訪事實

胡濬字因素南豐人性孝友以敦睦宗族著聞嘗官新

江陰縣志卷之三十三 建昌府
建訓導時

朝命掾采遺書大吏命濬分校濬出舊刻宋儒胡寅崇正
辨胡淵惇宗十訓進

呈皆著錄濬又嘗爲彙刻禁書總目施遠近俾藏書家知

去取焉

府志

趙宜煒初名思獻字有融南豐人乾隆鄉舉禮闈十二
試不遇大挑得官知縣分陝西初權韓城山西民丁某
寄籍於韓年十五喪父母鄰人欺其孤而無援也鬻其
未婚妻爲官婢丁訴輒不得直宜煒得實出己金贖婢
還丁而罰其鄰人韓城素多豪族宜煒一無所徇旋以
母老乞養歸既終喪仍赴陝西宜煒工文上官欲得文
爲壽或爲道意宜煒辭曰文之可貴者惟不爲人諛辭

耳同列哂其迂不顧也嘗權安定清澗扶風醴泉永壽諸縣皆著清節旋補榆林邑人鮮知學巡道顏伯燾新榆陽書院以教之伯燾素善宜煒令董其事乃立規條勤講課士始向學邊地婦女習於便縱宜煒嚴禁淫慝其犯而能媿者予以銀牌鐫良家女子四字由是轉相慕效弊俗漸革伯燾嘉其治爲詩美之有惻惻撫黔黎形容半枯槁宦海久沈淪與寵兩無禱之句蓋紀實也調靖邊未一年罷去旋卒年六十八同官習知其貧哀貲給其穉孫扶柩歸

府志

陳元字愷齋守誠長子初曾祖世爵慕宋范仲淹贍族義莊未及爲而卒祖道繼成之並爲父立祭田二千畝設規條以周族人元父守誠又慕古者大宗收族之義

置田二千畝欲使世世適長子孫主之亦未就而卒其諸父議宗法非士庶所能行或反爲子孫累乃推是田爲其父祭田元念非父意獨以諸弟幼穉不欲專美辭之俟弟長告以故仍爲義田陳氏世有賢裔而元尤著

府志

陳觀字賓我守誠四子乾隆進士工部主事歷郎中出爲福建福州知府民有兄弟訟財者爲示一本之義兄弟皆感悔黠民將傾富室誣其婦以曖昧事久不能決觀廉察其誣懲黠者如法豪猾屏迹閩縣奸民林孔徒創花會名聚黨決賭觀盡獲之治如律巡撫汪志伊疏薦擢鹽法道遷浙江按察使江甯山西陝西布政使內授太僕寺卿進內閣學士倉場侍郎子希頤舉人

府志

志

饒學曦字儀東一辛子乾隆鄉舉官四川金堂知縣禽
啞匪治妖巫政聲茂著調南充縣決獄稱神明擢知劍
州維西土番相仇殺單騎往諭捕首惡治罪番人拜馬
前獻千金爲壽拒弗納調雲州抵滇數月卽乞歸子女
漪厯任湖北知縣平遠安盜賑監利災所至有聞值軍
興供給不匱文漪長子敷善由舉人授臨湘知縣改觀
城積歲荒早前政匿不告敷善力請大府遂獲免徵李
文成之亂山左被兵以觀城有備賊不敢犯弟敷善拔
貢生篤行能文邑人誦於令以孝廉方正舉力辭不就
敷善子宗孟道光舉人分發浙江知永康縣事厯鎮海
遂安興學愛士浙人頌之

府志

薛廷表字敬典新城人乾隆鄉舉官豐城教諭有盛德人敬信之嘉慶初縣官以徵漕激鄉民洶洶將爲變訓導某先往諭之不止及聞廷表至皆斂手聽命曉以理法應聲而解旋擢撫州教授未任告歸

府志

李樞煥字拱北南城人乾隆鄉舉大挑分發陝西權知石泉縣值教匪之亂邑無城郭與士民葺垣築堡以資守禦賊不能入移權安康凱撤兵以所得功牌誘鬻諸愚民一時騷動樞煥訪治十餘人邑乃安沔縣民罹教匪獄樞煥閱實釋其無辜者擢定遠廳同知廳新設掩遺骸正疆界創城郭壇廟卓然有條理再擢四川重慶知府勤求水利倡立社倉遷松茂兵備道卒

府志

雷維霈字筠軒南豐人乾隆進士工部主事厯官至福

建延平知府案治奸黨風骨甚峻新宋儒楊羅李朱四子祠求豫章先生嫡裔奉祀而禡其僞者士民頌之維需有文學工詩在京師與錢唐吳錫麒長洲王芑孫齊名子文枚舉人官知州文模文楣同榜進士模翰林編修楣知縣

府志
縣志

湯藩字西樵南豐人乾隆進士戶部主事遷員外郎典試河南稱得士

上嘗語侍郎英和三江人文淵藪使爾掌文衡得一精衡鑑者爲副方能拔擢無遺已而英和充江南正考官以藩副之旋督安徽學政秩滿出爲廣西知府累擢江蘇按察使權布政使卒子雲松椿皆舉進士雲松累官江蘇按察使椿吏部員外郎

府志

王聘珍字貞吾南城人拔貢生治經確守後鄭之學嘗爲大戴禮記解詁大學士阮元汪廷珍咸相推重焦循讀書三十二贊稱其不爲增刪一仍於舊又著九經學引申訓詁考定漢制具有家法嘗客浙西與歛進士凌廷堪論學廷堪深許之敦行誼廉介自守令人望而生

敬

府志
縣志

吳森字奉章南豐人乾隆進士官湖北建始知縣甚著政績以詩忤上官罷歸子中祕舉人中閣監生能詩蔣

士銓嘗稱之

府志

陳希祖字敦一元長子與弟希曾從魯九皋學九皋宗宋五子故希祖兄弟少以端雅重於鄉黨乾隆庚戌希祖成進士官刑部主事居曹司處置可否吏不能欺而

嘗讓其能於同官於書無所不覽天文算法水利尤所
深究嘗自言假我十數年欲著之書宜可次第就緒歷
遷員外郎中擢浙江道監察御史病甚乞歸抵杭州卒
於西湖之蘇公祠希祖工書包世臣推爲能品子延恩
官江蘇通判歷權知縣有政聲累遷淮安知府權兩淮
鹽運使淮徐兵備道

府志

譚光祥字君農尙忠子乾隆甲辰

召試舉人時光祥年十八癸丑成進士改庶吉士散館

上知爲尙忠子宜授以政用爲禮部主事再遷郎中嘗隨侍郎
潘世恩劉躍雲扈蹕秋獮分錄避暑山莊

御製詩詢知爲光祥書

賜以瓜果鹿肉嘗典試湖南督雲南學政出授湖北施南知府

光祥在都蕭然間遠習於簡靜及典郡發奸摘伏無所
避施南所屬恩施縣有豪猾高齊周許登魁者恃與大
官胥役首尾久爲民害光祥至卽禽治之細民鼓舞稱
快調補武昌步行禱雨日往返三十里感疾卒年四十
八無子以弟之子錫洪爲後錫洪拔貢生

府志

陳希曾字集正元次子乾隆進士

殿試一甲第三人授編修擢贊善累官吏部侍郎緣事左
遷起內閣學士旋晉工部侍郎先後典順天雲南貴州
江南鄉試四川山西江南學政充鄉會試同考官希曾
歷掌文衡以經術取士浙江杭州城外賊潛焚厝棺搜
衣物巡撫顏檢奏獲盜御史蘇繹奏賊犯未確請覆訊
下希曾偕侍郎成格馳讞如繹言巡撫交部嚴議承審

官革職問擬有差後以奏薦雁平道福海不諳文理幕客舞法褫革治罪部議希曾降二秩

上加恩改留任尋卒希曾生平嫻於掌故居

國史館爲副總裁凡於大臣政績罔不錄副以時省覽而於江西著述尤所留意凡載

四庫書目者自明以來皆有纂輯子晉恩甘肅鞏秦階道孚恩拔貢生累官至吏部尙書同治元年獲罪戍伊犁逆回陷城遂殉難妾黃氏子景和等同死事聞奉

旨其妾與子等均予旌卹升恩兩淮梁垛場大使

本傳府志

張銘字新盤南城人乾隆鄉舉大挑分發河南歷權柘城考城孟縣事旋授夏邑知縣能雪冤獄獲巨盜擢彰德通判累官江南蘇松太兵備道權江蘇按察使以註

誤罷官主講揚州梅花書院造就多英彥銘工書尤喜

爲詩與江東諸老唱酬甚富

府志

黃因蓮字東秀新城人乾隆進士改庶吉士散館授編修典試浙江得士稱盛乞養歸素工書爲諸生時學士

翁方綱深賞之

府志

譚光祐字鐵簫尚忠五子幼聰穎能文屢試不第援例官重慶夔州通判擢敘州馬邊同知總司金川屯田勤練習謀積儲示各部落以威信月朔望庭謁聽處分教夷酋子弟騎射誦讀眾皆畏服敘州所屬古龍湖地獮夷雜處終其任夷無敢與民鬪訟者權潼川府遷湖北歸州知州升寶慶府寶慶素號健訟閱其詞率鄙野蹙然曰是以健訟聞冤矣治奸猾者六人民翕然光祐少

負文采官蜀時猶從容文酒閒泊領郡事則悉罷之曰
致用在此時矣子祖同南河山安同知咸豐十年以病
去官寓浙東十一年罵賊死祖勳江蘇同知奉檄至杭
州亦遇賊死並贈道銜予雲騎尉世職

府志
縣志

王鳳喈字載賡新城人諸生博涉經史嘗學詩於黃祐
得其傳與邑中楊湘劉家駒涂以轍相唱和橐筆走吳
楚游粵東歷數十年聞見日擴乃綜十九省山川古蹟
仕宦人物爲續廣事類賦十四卷

府志

吳照字照南南城人嘗爲說文字原攷略訂譌正誤確
有見解詩書畫稱三絕以拔貢生官大庾教諭未久棄
去徧遊東南山水慕蘇州靈巖石湖諸勝曰死當埋骨
蘇州後留蘇主講書院果卒於蘇

府志

鄒翰字軒霞南豐人由方略館供事議敘選四川南坪
巡檢從軍廓爾喀以功擢雲安鹽場大使再從勦白蓮
教匪擢巫山知縣尋以平羅其清諸賊累晉知府

賞戴花翎

四川平調赴陝軍助勦有功補福建建甯知府權臺

灣知府被劾解任總督方維甸上疏乞留久之以獲洋
盜功仍補建甯知府遷汀漳龍分巡道進安徽按察使
左遷員外郎歸翰爲人長身昂鼻膽識過人久在軍營
通曉兵略飛書草檄尤其所長云

府志

聶克峻字昆山南豐人國學生父有麟能詩遠遊西藏
音書並絕克峻年弱冠繭足入藏歷萬餘里無知者歸
經寶月關夜宿旅店塵笈中見故紙忽心動檢而視之
父臨沒時所作家書也計其時已二年矣泣訪蹤迹乃

得瘞所負骸而歸邑人曾章緯爲長歌紀之

府志

吳應咸本名潛字修之炳子少時勇於議論旣而悔之因自號悔堂初以舉人官南昌教諭與東鄉吳嵩梁南城吳照同邑吳森皆工詩稱四吳布政使王昶敦尙風雅咸禮重之嘉慶元年成進士改戶部主事充軍機章京累官郎中記名御史京察截取知府以疾卒官應咸性友愛兄嘗竭貲爲吏蕩家業應咸輒資其兄兄病視粥藥惟謹鄉人稱之

府志
縣志

蔡夢麟字天石南城人嘉慶進士選廣東清遠知縣歷任繁要所至有政聲墾新會沙田數千頃立歸善義冢瘞枯骨千四百四十具香山濱海爲外夷通商地時以內地奸人媒孽思不逞夢麟乘樓船至零丁洋宣諭

聖朝威德羣夷悅服效恭順者十餘年大吏方以明幹薦適遭

憂歸卒於家

志

劉衡字簾舫南豐人副貢生官廣東新興知縣歷署四會博羅學務經世爲治有方略署四會時邑多盜仿古農兵之制爲團練壯丁法盜遂戢調博羅城鄉故設徵糧店衡至撤之民俗好以自戕誣人豪役維持之衡閱實釋誣嚴懲主使者民不復輕死以憂歸起補四川墊江縣攝梁山梁山歲苦旱爲相地修築塘堰互數十里民利賴之調巴縣巴號首劇徒役繁多衡悉遣之川民號衡曰劉青天亦曰劉大鑼大鑼者衡嘗懸鉦縣門民有冤抑許擊以聞卽爲判決不設閤人也衡爲治嘗言官須自作每舉以告僚友道光閒總督戴三錫巡川東

旁邑民訴冤者皆曰乞付劉青天決之語達上聽坐是擢綿州衡卒博羅墊江梁山巴縣均入名宦祠同治五年奉

旨編入國史循吏列傳子良駒兩淮鹽運使良駟陝西商州知州孫庠內閣中書慶禮科給事中

本傳府志

陳用光字碩士道孫守詒第三子也少從魯仕驥學弱冠師桐城姚鼐慨然欲以文章經術自表見嘉慶進士改庶吉士授職編修遷御史時逆賊林清伏誅

詔求直言用光疏陳選吏察吏二事爲消患無形之本計從之巡視西城坐事降編修道光二年升司業不數年驟遷閣學晉禮部左侍郎

上諭曰我知汝能恬退故特用汝非有保舉人也嘗充

日講起居注官

國史館文穎館明鑑總纂官鄉會試同考官河南江南主考官福建浙江學政用光用經術取士出其門者多魁壘俊彥所至士情鼓舞善上元管同宣城梅曾亮曾亮年家子而同其江南所得士也在浙江以宋臣孫覿摧忠附奸奏罷其專祠士樂道之生平殫精著述嘗爲春秋屬辭會議未及成而病作臨卒猶以爲憾子蘭滋上西州知州蘭第澤州知府蘭豫高臺縣丞本傳府志饒絢春字曉升新城人嘉慶進士由庶吉士授編修典試江南李福毛鼎亨皆所得士先是陳侍郎希曾典試是邦得顧元熙包世臣李毛故與包顧齊名至是爲絢春所得希曾贈以詩云翹材江左數豪英顧李包毛久

擅名雲水光中曾洗眼瓣香先後拜新城

府志

丁步曾字毅齋瀘溪人嘉慶進士官內閣中書旋乞歸

步曾少穎悟長益博覽於諸經皆有論著

府志

魯垂紳字服齋南豐人嘉慶進士改庶吉士散館授編
修補御史擢給事中出爲山東督糧道垂紳少勤學洎
通籍入詞館文名益廣兩充順天鄉試同考工於衡鑒
居臺諫有直聲建言皆經世要務先後巡視東城西城
嚴察奸宄及爲監司職專漕運釐弊恤丁綱紀井井厯
十年卒於官

府志

劉斯裕字靜宇南豐人少孤自奮於學嘉慶進士官山
西和順知縣務爲安靜調大同大同俗悍民多客籍有
兄弟五人爲暴鄉曲斯裕旣致之獄顧念黨羽眾此五

人者去之難留之亦可用竟釋之五人頓首謝過其後
邑無賴子知五人爲斯裕用遂不敢肆嘗有他縣民訟
不決訴於大吏言願就大同令審鞠死無恨如是者數
百人大吏驚異召斯裕見曰君何以得此於民也再調
陽曲遷霍州知州大同知府未至改授太原居太原七

十餘日卒

府志

湯世培字植齋南豐人嘉慶進士選山東昌邑知縣調
知滕縣再調厯城擢武定知府宰滕日河帥以沿隄民
居礙挽率下令遷毀世培上書陳窮黎疾苦狀遂止

府志

曾斌字崑圃南城人父廷枚郡廩生肆力書史年八十
猶手不釋卷以書名斌嘉慶進士授中書累官工部員
外郎分順天鄉試同考所拔士多經生

府志

劉斯崙字眉生熒子嘉慶進士改庶吉士散館授編修
兩充順天鄉試同考一爲河南典試轉御史出爲陝西
西安知府五六年中由郡守升鹽道改甘肅安肅道擢
安徽山東按察使遷山東布政使嘗之西甯鞫番案威
德並施青海懷畏不煩一兵歲饑陳請借糴活民數十
萬斯崙自居史職勤學問留心當世之務及任方面遷
兩司實心實政當時無赫赫名事後莫不思之歿祀山
東名宦祠

府志

涂鴻儀字羽皋新城人嘉慶進士四川遂甯知縣初權
永川永川民貧恆私販鹽以求利商人仇私販欲窮治
之前令租商連繫無辜四百餘人民情洶洶鴻儀至治
商人而出無辜於獄讞上流徙者僅七人大府以鴻儀

寬縱持不下鴻儀力爭乃允所至以正人心維風俗爲本裁陋規汰冗役鋤土豪禁妖異嫉惡不少貸南川黠吏解傑持官中短長人不敢治鴻儀禽之置於法大學士蔣攸銛爲四川總督府縣謁者皆不得通獨親禮鴻儀嘗以幕下士薦鴻儀不受益重之前後官蜀中六年卒以剛正膺忌落職歸

府志

雷文模字簡峯維霈仲子嘉慶丁丑與弟致亨同榜進士改庶吉士散館授編修闊達明敏下筆千言詞旨風雅後進樂就之居詞曹二十年出爲揚州知府以足疾謝內升右中允乞疾歸

府志

趙鏞字少愚由叔曾孫道光進士改庶吉士散館授刑部主事屢隨長官往陝西四川山西讞獄皆以明慎集

事遷員外郎出爲福建漳州知府會西夷陷廈門偏海澄鏞馳赴守禦設伏爲疑兵夷乃卻退累官廣東鹽運使

府志

劉澐字舊邨斯禧次子道光進士吏部主事擢員外郎供職勤勉鄙世俗爲巧宦獨以誠樸自矢長官器之薦剡異等

召對稱

旨不市月擢河南南汝光道以母憂歸遂不出

府志

陳蘭祥字伯芝守詒孫少聰穎異常兒新城學派肇其祖陳道繼之者魯仕驥蘭祥後起駸駸乎及之道光己丑成進士改庶吉士未及散館卒子溥字稻孫監生從子學受字永之皆以講學名

府志

趙德潏字子白宜喜孫道光壬辰二甲一名進士改庶吉士散館授編修乙未會試同考官典廣東試出爲揚州知府擢江蘇蘇松太道江蘇按察使左遷山東兗沂曹道德潏自少席貴盛性獨儉約謙抑異於羣從洎登清祕不失常度衡文所錄皆知名出爲監牧嚴操守絕賁緣始終一節

府志

吳光業字補之森曾孫道光進士改庶吉士散館授刑部主事充軍機章京大學士王鼎治河祥符以光業從工竣

賞戴花翎累遷至內閣侍讀學士道光三十年省墓回里咸豐初粵賊踞金陵江西郡縣戒嚴巡撫陳啟邁侍郎李道生奏光業專辦建昌府屬團練民賴以安仕宦十餘年

家無餘貲嘗典貂裘贍軍以勞瘁卒同治間贈太僕寺

卿廕一子入監

府志

吳嘉賓字子序應咸孫幼有異稟篤志治經與弟嘉言並有名而嘉賓尤精三禮之學道光戊戌成進士改庶吉士散館授編修既通籍尤究心當世利弊嘗條陳海疆事宜

命旨嘉納緣事謫戍軍臺越四年釋回時粵匪蔓延江楚大帥素重嘉賓延理軍務嘗防堵武陽復新城彭澤光澤諸縣又嘗督本籍團兵援郡城先後入奏

賞給內閣中書加侍讀銜同治三年賊犯南豐嘉賓率鄉兵戰三都墟口遇害事

聞敕建專祠加等賜卹嘉言九歲能作賦拔貢生

朝考第一授工部七品小京官詩格簡澹卒年纔二十有

四

府志
縣志

何惇元字荔珊廣昌人道光鄉舉揀發貴州知縣署清谿調龍泉擢知甯州廉明果決事至立斷清谿有巨盜窟穴深邃惇元乘夜單騎往禽之狎苗肆虐恆劫奪行旅捕役陰與通惇元知之斃役杖下尸諸市次第獲賊二十餘人以是膺上考胡林翼方守黔中致書獎之充鄉試同考官稱得士勞瘁卒官子恩綺福建同知府志吳應連字元春南城人道光鄉舉官四川彭縣知縣權涪州知州涪土豪某兄弟號五虎爲民患應連至執而寘諸法民爲作伏虎頌令安岳時歲大旱不待請發倉以賑復捐資買米濟不足活饑民二十餘萬囑匪擾綿

竹檄應連往南下車擒其魁釋株連者給錢使復業永
川蝦蟆口石泉曲山關水險徑仄行路所苦應連鑿大
磯腦灘殺水勢開石棧六十餘里路旁植桐桑至今利
賴其卒也民懷遺愛留葬彭縣城內三忠祠唐司徒楊
晟墓右會葬者數千人咸豐中崇祀四川名宦祠

府志
崇

祀
錄

陳麒昌字方湖新城人道光鄉舉揀發安徽知縣補全
椒時粵逆陷安慶全椒危急麒昌練民兵以守賊至累
卻之調署滁州升和州知州以病歸賊竄新城麒昌率
鄉兵禦之約知縣徐元燮爲應元燮佯諾已逃去麒昌
軍孤遂敗遇害於十里山妻鄧氏殉夫死事

聞卹廕如例

府志

石鳳宗瀘溪人天性孝友嘗偕弟入山采樵虎鬪弟去
鳳宗奮身持刃擊虎虎負痛奔其弟鳳宗踉蹌負以走
虎逐鳳宗乃作勢相敵倒行四里卒奪弟尸以歸家貧
終身不娶孝事老母撫卹弟妻人無閒言府志
楊堃字德軒新城人元燮子官廣東知縣以憂歸咸豐
三年粵賊擾江西奉檄防武陽渡以功擢知府六年七
月賊由廣昌猝薄新城城固無備堃身先士勇登南門
禦賊賊自城東北入趨赴東門戰死環勝山下同時遇
害者堃涂逢期堃妻潘氏投井殉焉事

同照三品議卹堃從叔炳字子萱歷官雲南浙江知縣擢知府
咸豐十一年十一月殉難杭州妾張氏從死時梅楊氏

二忠

府志

吳嘉禾字典齋南豐人以內閣供事議敘典史分發廣東咸豐五年補吳川縣典史六年署忠信里司巡檢有土豪爲暴塵市閒官役莫敢捕嘉禾禽之凡剽掠者輒獲首惡盜皆遠避商賈日至遂有大小吳之稱大吳者謂連平州牧吳昌壽適與嘉禾相先後也七年署洸口司巡檢地近藍山諸賊寨時擾洸口而練四虎者賊之魁也尤肆虐半載十易官終不能治昌壽方爲廣州守知嘉禾名言於大吏俾治之甫至卽舉十八鄉練局每鄉百人互爲援應練四虎擾坂坑嘉禾往勦至則已遁適藍山賊出掠聞軍至亦遁自是賊莫敢犯九年正月昌壽撫藍山賊旣竣事檄嘉禾往陽山縣撫白虎洞值賊攻縣城道梗輿從不敢前嘉禾趣入賊巢諭之降黨

羽遂散未幾陽山又被圍率降卒馳援圍立解六月旋
洗口甫二日賊眾突至練勇倉卒未集卽率白虎降卒
數十出禦之賊號二十萬眾寡懸絕遂被執賊稔其得
民勸致書各鄉斂錢自贖不應以刃脅之嘉禾奪賊刃
自刎賊駭歎斂其屍置諸河濱

賜卹

如例子世襲雲騎尉

府志忠義錄

王錫齡字松圃南城人道光進士官工部都水司主事
丁憂回里建昌知府黃鳴珂以團練屬之咸豐十一年
賊攻郡城錫齡偕文武吏登陴守賊解圍去敘功擢知
府同治三年揀發甘肅明年署鞏昌回賊入犯屢卻之
擢道員加鹽運使銜授西甯知府仍留鞏昌五年回賊
復至典史某前爲錫齡所劾遂縋賊入城錫齡冠服坐

堂皇爲賊所害燔其尸僕梁升殉焉事

聞奉

旨優卹予騎都尉世職祀忠烈祠

府志忠義錄

徐方字雲極南城人國學生膂力絕倫兼負俠氣咸豐間粵逆肆擾奉檄練民兵諸鄉推爲首領以勦賊自任每言及輒切齒賊由宜黃踰嶺入方禦之屢挫賊鋒相持數月終不令一賊入境鄉邨安謐倚如長城以功授五品銜檄爲南路團總庚申秋賊大隊膺至踞上唐墟爲巢穴守備楊錦斌赴勦方督所部星夜馳應首衝賊陣斬馘甚眾賊憤糾諸路僞將分道入方被圍四面援斷糧燬火藥俱盡勢不能支部眾潰散方單騎陷賊矢集體如蝟毛槍刃數十處猶手斬三賊而死越日賊退

收其尸顏色如生髮動拳握怒氣猶勃勃事

聞祭葬如例子世襲雲騎尉

府志

江西通志卷一百五十七

列傳二十四 廣信府一

唐 南唐附

方竦字仲成弋陽人景雲進士累官鸞臺侍郎開元中封禪爲禮儀使容止閑雅元宗歎其知禮封雲亭侯

明統志

高仁字寬仁

一作仁寬

貴溪人大厯閒任福建觀察使一時

名公若顏真卿輩皆託交今邑南江頭坪有高觀察墓

安志

吳勗字弱齡其先延陵人後自濮陽徙貴溪遂定居焉勗好學善文嘗讀書谿南五面峯下學者稱潛谷先生元和閒以白衣召入拜水曹郎年四十卽致仕有文集

十卷柳宗元為序

安志

吳武陵初名偁勗子元和進士拜翰林學士後以事流

永州時柳宗元亦以謫至因與之游嘗稱其直而有文

又曰武陵剛健士也踴躍其誠鏗鏘其聲出而為之詩

其見稱如此後為桂州防禦判官

林志 譙案吳勗父子舊志一列寓賢一

隸貴溪今歸併

黃舟貴溪人數世同居元和初居父喪哭不絕聲哀毀

以死朝廷賜粟帛旌表其門命州縣存問并復其家

安志

謝志舊案唐書孝友傳敘尚有上饒鮑嘉福虞第真

弋陽張球李營營子凝孫楚李植皆數世同居舊志不

載附志

於此 裴璩字原明貴溪人乾符閒為浙西節度使時鎮遏使

王郢等劫庫兵作亂攻陷蘇常泛江入海乘勝寇浙西

璩嚴兵設備密招其黨降之郢走死餘黨悉平後人祀

之號裴大夫廟

安志 謹案綱目載裴璩平王郢事不言何許人新唐書宰相世系表有裴璩

綱子列東眷下何時徙貴溪不可考

王貞白字有道上饒人乾甯進士先是崔凝典文衡不

協士論上詔陸扈覆試武德殿貞白占優等授祕書郎

遭時不淑隱居教授有靈溪集行於世

林志 謹案廣

上饒永豐鎮人即今廣豐縣境墓在縣西門又攷唐才子傳稱貞白信州永豐人兩獲科甲值天王符岐退居

著書深惟存亡取舍之義

桂卿貴溪人少武勇習兵法累官銀青光祿大夫上柱

國進階司空先是數平劇寇有戰功軍中號捉生虎子

遷信州總轄時閩越邊寇卿出奇兵芟刈之數郡民賴

以甯朱開寶中李氏納土卿固守信既而得李主手書

論以城降乃歸隱貴溪藝祖太宗嘉其賢屢徵不起太平興國間寇復熾承詔勦平之以功拜都尉辭不就淳化三年卒鄉人立祠祀焉慶元二年賜廟額曰威顯謚曰忠

人物志

蘧瑗貴溪人保大間仕都虞候以赤嶺功累升司徒銀青光祿大夫封西州侯貴溪與閩接境命瑗領兵戍境上民賴以安旣沒人感其功立祠祀焉目所戍之山曰蘧嶺

人物志

宋

虞肅字元卿信州人大中祥符進士初爲建州司理參軍監福州寶積場歲終當遷有司從肅求賂肅謝曰與其以賂遷吾甯困以終身也後以葉清臣薦歷遷太常

丞屯田員外郎判滁州王安石誌墓

人物志
案王臨川集無虞

肅墓誌林
志亦不載

沈邈字子山信州弋陽人進士及第補大理評事慶厯初爲侍御史時呂夷簡罷相輔臣皆進官邈言爵祿所以勸臣下非功而授則爲濫今邊鄙屢警未聞廟堂之謀有以折外侮無名進秩臣下何勸焉又論夏竦陰交內侍劉從愿使從愿內濟狡譎竦外專機務竦黨得計人主之權去矣其言甚切權鹽鐵判官轉兵部員外郎加直史館使京東歲餘入爲侍御史知雜事未幾擢天章閣待制知澶州徙河北都轉運使知延州卒

東都事略

應舜臣字仁伯貴溪人少卓犖不羈及長篤志向學登

慶厯進士累官太常少卿判三司極言新法不便忤王

安石出知洪州藏書數萬卷公餘披誦日夜忘疲與文
彥博曾鞏相友善卒贈金紫光祿大夫禮部侍郎人物志
桂詢字謀道弱冠遊京師一時英俊皆相友善皇祐進
士仕司理歷直講應天府右軍巡判卒於官弟冲政和
進士有俊才與詢子韶齊名爲時所宗稱大桂小桂人物志

葉虞仲字聖參玉山人皇祐進士通判江州持身廉謹
貧甚至不給餼粥有邦人解官歸者遽置田數十頃以
誇虞仲虞仲笑曰吾貧不能辦此請以二十櫃書當之

明一統志

劉輝字之道鉛山人嘉祐四年狀元調河中節度判官
祖母不習風土輝白府解官侍養詔移建康他日祖母

卒請承重府尹上其事詔下禮官議從之有宋以來適

孫有諸叔而承重者自輝始歸葬哀慕盡節州閭稱孝

焉

人物志

白志

豫章書

所載與

人物志

不同今

其

壞文

體欲抑

之一日

知貢舉

以朱筆

橫抹其

卷時人

謂

之紅

勒帛後

舉歐復

為主考

以堯舜

性仁論

命題得

一

卷云

靜以延

年獨高

五帝之

壽動而

有勇形

為四

商之

誅公

稱賞擢

為第一

唱名乃

劉輝人

曰此即

劉幾也

公

愕然久

之文獻

通考經

籍

乃劉輝

人曰此

即劉幾

也公

志輝所

著有東

歸集十

卷

乃劉輝

人曰此

即劉幾

也公

傅槩字平叔鉛山人嘉祐進士嘗為縣令當新法方行

不為委靡以奉大吏為人廉白一介不妄取

林

許幾字先之貴溪人少以諸生謁韓琦勉入太學擢第

調高安樂平主簿知南陵縣還民之託僧尼為奸者數

百人提舉京西常平為開封府推官進至將作監吏與

匠比為姦欺凡斲削塗墍丹雘之工當以次用而始役

卽槩給其廩費亡藝而患不均幾逆爲之程費省工倍再遷太僕卿戶部侍郎以顯謨閣待制知鄆州梁山濼多盜皆漁者窟穴也幾籍十人爲保使晨出夕歸否則以告輒窮治無脫者幾有吏幹善理財由是四入戶部至尚書出知婺州河北都轉運使徙成德軍知太原府張商英裁損吏祿幾預其議貶永州團練副使安置袁州遇恩復中大夫卒

宋史

徐紹字景昭貴溪人讀書天冠山下名著一時熙甯初舉進士仕兵部職方員外郎孫麟瑞熙甯進士仕高州

守

人物志

唐子正字幾卿興安人通判邕州熙甯八年交人圍邕子正與蘇緘率兵固守外援不至城陷子正及緘死之

南甯府志

陳銘字日新玉山人博學能文熙甯進士判撫州剛方廉介不徇人私嘗以考績至都適有天變因陳親正直遠奸佞黜賊濫凡十事皆人所不敢言者特授奉訓大夫

安志

虞大熙肅子也任宗丞與兄大微大甯弟大冲相繼擢第居家以孝弟聞立朝以名節顯熙甯間陳述古以治經有行薦之經筵以備臺閣之選大甯以光祿丞知鄞縣盡心水利民祠祀之

林志
鄞縣志

李封字元伯玉山人少有俊聲累舉不第奮然自陳奉旨兩制覆試熙甯中以推恩授官晚年學益進玉山稱鄉先生者必歸之

人物志

詹丕遠字子猷玉山人登元祐進士由校書郎除右正
言極論蔡京之奸又乞罷修造止絕諸司浮費俱切中
時弊卒為惡直者所逐晚年優游鄉里人推敬焉子堯
可知華亭縣有治聲

安志

余安行字仲勉弋陽人所居有巖如月號石月先生歷
官朝議大夫性篤孝親喪廬墓名其亭曰無盡以表孝
思所著有至言春秋新傳諸集

明一統志

葉大用玉山人紹聖間任武職金人侵汴大用從戰全
軀以歸高宗書拔身歸國節義可尚八字賜之隆興初
授京西路兵馬副都監

明一統志

張憲貴溪人武力絕倫紹聖初選為博興巡檢方臘寇
陷兩浙憲募勇士千人兼程以進賊懼引退遂復衢州

未幾金掠滑州卽馳赴之旣瀕河會橋斷不克渡至亳
州聞駕北狩欲邀截而不能乃趨兵濟南謁高宗因薦
文武全才堪爲將相者七人以李綱宗澤爲首拜武義
大夫江南東路軍騎總管久之江東妖賊王則大熾憲
走上饒會兵進討兵未集爲賊所陷與其子琳死焉事

聞贈武功大夫官其兩子

林志

周師原貴溪人元符進士有雋才能文辭初仕將作監
丞歷遷左拾遺直史館數上書言時政利病出知明州

卒官

安志

齊之禮字亨仲弋陽人元符進士靖康中爲監察御史
與人交初泊然若無意久乃愈親聞引鄉曲子弟訓誨
丁甯本於忠厚廉介而用以和裕

林志

鄭驥字潛翁玉山人元符進士知溧陽縣歲饑民多逃亡漕司按籍督逋賦不少貸驥盡去其籍使者欲繩以法驥曰著令約二稅爲定數今不除則逋愈多民多貧賦愈不辦使者不能屈時議自建康鑿河渠導太湖以通大江將破數州民田調江浙十五州丁夫所費百萬計驥條晰利病力止之通判岢嵐軍改慶陽府錢蓋自渭易熙奏辟幕下地震秦隴金城六城壞驥爲蓋言六城熙河重地宜趣繕治因自請董兵護築益機灘新堡六百步以控西夏擢京兆府等路提舉常平驥按格爲常平總目十卷頒之所部高宗初以直祕閣知同州兼沿河安撫使金將婁宿犯同州驥遣兵擊之失利金人乘勝徑至城陷驥赴井死贈通議大夫樞密院學士諡

威愍驤在熙河嘗撫熙甯迄政和攻取建置之迹爲拓
邊錄十卷兵將蕃漢雜事爲別錄八十卷圖畫西蕃西
夏回鶻盧甘諸國圖書爲河隴人物志十卷序贊普迄
谿巴溫董璁世族爲蕃譜系十卷

宋史

張叔夜字嵇仲永豐人耆之曾孫先世家開封叔夜由
錄事參軍以破賊功加龍圖閣直學士知青州靖康初
金兵過河叔夜乞遣精騎邀擊及豫令河北邊鎮出兵
斷其歸路并力追襲不報徙南道都總管帥師入援或
勸緩行叔夜曰國家危難如此忍顧身乎至京入見請
駐蹕襄陽以圖幸雍擢拜僉書樞密院事提舉南道兵
守禦城上連日大戰士皆殊死鬪斬其金環貴將二人
身被創猶父子力戰金旣議和命彈壓京城事欽宗再

出郊叔夜叩馬諫止不能回號慟再拜欽宗回首字之

曰嵇仲努力會金詔立異姓叔夜抗論宜立皇太子爲

君以從民望金不從遂扈駕北去至白溝河矍然起仰

天大呼扼吭而卒年六十三訃聞贈開府儀同三司諡

忠文建炎紹興間葬衣冠於積寶院之西詔有司卽墓

立廟賜額旌忠東都事略林志謝志舊案宋史張

統志宋名臣言行錄皆以爲永豐人南康志又以爲星

子人今從林志永豐爲祠在永豐又考朱子旌忠愍節

廟碑言忠文卽墓爲祠在永豐又考朱子旌忠愍節

賜名著在祀典確有可據前志乃云事出疏傳無徵不

信豈朱子之言不足徵邪謹案宋史者與叔夜兩傳

皆稱開封人而廣信南康兩志一以入永豐一以入星

子白志均以爲疑并力闢永豐靈鷲之墓非是謝志據

名臣言行錄朱子文集與之爭今放廣豐縣舊志云據

史者次子利嘗知信州軍或遂卜宅也又引星子縣志

云忠確父子死王事家人扶柩南歸舟次南康宮亭不

進遂葬焉夫扶柩南歸路出官亭非舊居星子可知惟

塋地在星子耳靈鷲之墓是葬衣冠處蓋叔夜舊籍開

封其家於今之黃
豐境當自利始也

余應球字國器安行子崇甯進士授校書郎靖康初言
和戰不可偏廢又言新政有四大失欽宗親擢爲御史
應球感激知遇在職三月章六十餘上忤權幸以吏部
員外郎出爲部使者親喪遂不復仕著有真隱集并奏

議

林
志

鄭進古字時述貴溪人大觀進士仕武選員外郎讀百
家之言融會貫通發爲文章浩乎莫禦有詩文三十卷
名鳴鶴集朝散郎宋昭序之

人物志
縣志

施舜顯字彥光永豐人大觀中上舍第累官提舉江西
路茶鹽常平使東牟王右史謂其以仁義篤於躬雖位
不稱德而聞風者悅之其子炳卿亦有文集

林
志

桂南昇字志和貴溪人政和進士靖康之變金人欲立異姓莫儁等傳粘沒喝意在張邦昌南昇於廣會叱莫儁曰汝嘗作大魁乃如此舉措不愧後世清議邪又移書喻邦昌亟反正毋陷天下大戮邦昌大沮遂遣謝克家迎康王於濟州王卽位嘉南昇忠讜特擢吏部員外郎尋知惠州兼本路安撫使爲政簡靜民心宜之仕至朝請大夫晚歸號東湖散人

人物志

毛泰亨字文亨貴溪人政和進士仕國子博士宣和初龍見京師城外水高丈餘泰亨上封事極論闕失會起居郎李綱貶官遂致仕歸家杜門埽軌以讀書自娛號

鈍翁

人物志

余公瑞字鎮臣安行姪政和中特奏名爲邵武尉歲饑

請常平粟不報卽自發之民賴以濟咸稱之曰余父弟
公彥由鄉貢告歸養親親沒負土爲墓作白雲亭以致
其思

林志

余堯弼字致勳上饒人政和進士授祁門令務以德化
人民服其德量指邑之祁山曰雖舛是實公腹中不礙
也累官簽書樞密院事參知政事嘗使金專對有體金
主憚之未幾乞解機務脩然林下與漁樵伍忘其貴且

齒云

府志

徐中行字元立上饒人政和進士唱名日自陳其父年
八十九願以所應得官回授上曰此可厚薄俗詔其父
別以官名命之

林志

周世修字純德玉山人宣和進士知興國縣有平盜功

簽書建康府錄諸將園田之逋欠者都督府以民居侵
冒市衢檄令撤之世修拒弗聽子師清字畏知爲徽州
婺源縣令好學有文

人物志

陳康伯字長卿弋陽人宣和中上舍丙科累遷太學正
丁內艱貴溪盜將及其鄉康伯起義丁逆擊俘其渠魁
邑得全建炎末通判衢州攝郡事盜發白馬原康伯督
州兵濟王師進討克之高宗駐蹕建康除樞密院大計
議官累遷司勳郎中康伯與秦檜太學有舊檜當國康
伯在郎省五年泊然無求始遷軍器監金使至詔康伯
館伴以事論罷知泉州垂十年起知漢州召對除吏部
侍郎首請節用寬民州縣取民無藝許監司互察臺諫
彈劾尋兼禮戶刑三部前此有司希檜意興大獄康伯

平猷直冤士大夫存沒多賴之除吏部尚書尋拜參知政事以通奉大夫守尚書右僕射同中書門下平章事轉左僕射金遣使賀天中節出嫚言求淮漢地且以淵聖凶問至康伯主禮部侍郎黃中之論持斬衰三年先是葉義問賀允中使還言金必敗盟康伯請早爲之備金犯廬州中外震駭朝臣有遣家豫避者康伯獨具迎家人來浙人恃以安敵迫江上有勅上幸越趨閩者康伯奏曰審爾則大事去矣於是降手詔親征會金帳下變作一夕遁去孝宗即位兼樞密使尋乞休致加少保封信國公北兵再犯淮甸人情驚駭咸望康伯復相上出手札即家居召之拜尚書左僕射進封魯國公康伯力疾就道兼程以進至闕下詔子安節增文好謙掖以

見減拜賜坐閒日一會朝許肩輿至殿門非大事不署
敵師退尋以目疾免朝謁旬歸章屢上不許一日出殿
門喘劇輿至第薨年六十九贈太師諡文恭慶元初配
孝宗廟庭改諡文正史牛

張運字南仲貴溪人宣和進士調桂陽監遷潭州攸縣
尉高宗南渡劇賊王在據岐山潭帥徵兵戍岳運將二
千人先至岳賊平改新淦丞攝縣事運撥煨燼考版籍
正租賦數月之間弊除而民定紹興五年通判鼎州賊
楊么黃誠率輕銳徑趨武溪南興以臨鼎州城中大震
運與太守程昌禹勒兵登城控扼上下以張其勢賊宵
潰澧賊雷德進柵險稱亂帥檄運討之運將都統梁吉
等率兵直搗其巢破四十二柵降其眾移貳濡須金人

犯廬壽等州大將駐兵淮壩以拒之運給餉未嘗乏絕
歲餘以親老還江東寓居鄱召入除知達州方大旱入
境而雨奏除民病五事召爲度支郎中陳諸路綱運七
弊懲革十術遠近遞輸以均勞逸事皆施行兼樞密院
檢詳尋改大理少卿明於治獄獄爲之空拜刑部侍郎
兼權戶部侍郎金人渝盟特遷戶部侍郎以專餽餉丞
相陳康伯議遣李寶自四明控制海道眾論紛紜運直
入贊決以戰爲上策金人果敗走從上勞師江上及還
請補外乃授集英殿修撰出知太平州孝宗旣受禪遷
亦請老以敷文閣待制提舉江州太平興國宮尋授廣
東經略不赴乃復祠祿鄱大饑運首發粟二千石以振
之自是民爭出粟以濟卒贈少師左光祿大夫

宋史

周執羔字表卿弋陽人宣和進士廷試第二除太學博士建炎初從隆祐太后於江西還觀會稽尋以母疾乞歸就養調撫州宜黃縣時四境倣擾潰卒相挺爲變執羔執首謀者斬以徇邑人德之繪像立祠改秩通判湖州召爲將作監丞遷太常丞擢權禮部侍郎充賀金生辰使兼吏部侍郎請賜新進士聞喜宴於禮部從之軍興廢此禮至是乃復以忤秦檜被劾罷起知眉州改夔州兼夔路安撫使尋除敷文閣待制禮部侍郎拜本部尚書在經筵二年每勸上以辨忠邪納諫諍明年三月告老上諭曰祖宗時近臣有年踰八十尚留者卿之齒未也命卻其章閏月復申前請詔提舉江州太平興國

宮卒年七十七

宋史

方疇字耕道弋陽人建炎進士紹興初上書謂金人詭計盜賊猖獗藩鎮跋扈將帥專恣爲四宜憂講征伐理財用擇人才明賞罰重臺諫抑閹寺議詔令恤凶荒訓民兵寬民力爲十宜行其一宜去謂時宰也後通判武岡軍郡守李若樸希時宰意告疇與胡銓爲姻家中以深文貶零陵先是張浚亦謫是郡疇因從其父子游後判建康以疾終於官有文集二十卷

林志

方思尹字民瞻弋陽人紹興中知太和縣監察御史田如鼇持節臨部一見如舊曰君廊廟人也豈久居此乎章貢兵亂先聲欲下擣廬陵思尹編木爲柵狀如鹿角橫截江流民心以安在邑六年參政董德元薦於朝拜左司郎中奏減油麻折苗之稅後遷鄂州總領廣西江

西提點刑獄以老辭

豫章書

謹案以木柵置水禦亂兵未可信也南宋初亦無御史行

部之事殆又習見明代巡按御史而想像爲之

楊抗字抑之上饒人以才略薦用嘗知盱眙紹興辛巳

之役爲淮西運使錫山尤袤爲著事實子恂字信伯登

進士第文學推重於時

人物志

施師點字聖與上饒人十歲通六經十二能文弱冠游

太學舍選奉廷對調復州教授陳康伯薦賜對兼權禮

部侍郎除給事中時太子詹事已除上又特令增員爲

二命兼之假翰林學士知制誥使金致命金廷立班既

定相儀者以親王將至命師點退位屹立不肯少動使

還除端明殿學士兼參知政事同知樞密院師點嘗同

宰相奏事退復同樞密周必大進呈上曰適一二事卿

等各陳所見甚關大體前此宰相奏事執政不措辭今卿等如此深副所望除知樞密院事以資政殿大學士知隆興府江西安撫使薨年六十九有奏議十卷制藁八卷東宮講議五卷易說四卷史議五卷文集八卷蛛申世甯信州鉛山人紹興六年潘逵謝志兵襲鉛山父愈年七十未及出戶遇賊賊意其有藏金欲殺之世甯年未冠亟引頸願代父死賊感其孝兩全之宋史

傅縝字子玉鉛山人嘗應進士舉時青苗法行縣多繁逋縝悉捐資代輸盡得釋里閭皆稱長者紹興初潘逵寇信兵焚掠至其家三舉火不然首領後至曰是傅長者家不可犯斬舉火者而去人物志

徐珣字溫甫上饒人高宗朝進士授辰州教官爲刪定

編修轉池州判官有美政尋致仕所著有語孟解易解學者多宗其說

林志

周欽若鉛山人累世業儒初有聲三舍間不就祿仕積書教子數世同居慶元中旌其門

林志

詹叔善字繼道玉山人紹興進士拜奉議郎諸王教授滿歲卽求致仕壽皇嘉之特官其子復賜誥有知止足勵士風之語先時叔善築書屋榜曰知止與詔語合人多題詠之其昆弟叔甯叔迥叔沚叔義俱第進士

人物志

詹叔義字仲和叔善弟紹興進士又中博學宏詞科以親老丐監獄廟後官荆南府教授所著有拙齋文集二十卷詩集五卷狂夫論六卷

人物志

桂鎮字彥卓紹興進士仕處州司法終武昌判居官廉

平所著有溪南集二十卷弟績字彥成紹興乙丑及第
任沅江令終浙西運幹著有類左傳十六卷節唐書五

十卷

人物志 謝志舊案
林志所載與此異

韓大甯字孝先玉山人紹興進士嘗著續百將傳周易
集注知饒州德興縣累有惠政終於官袁甫題其墓曰

純孝先生之墓

林志

徐仁一一作傑字漢英玉山人紹興進士趙鼎深器重之

後陞對惟以復讐恥清境土爲言遂忤秦檜請祠祿歸

所著有檀弓傳易傳春秋發微

人物志

王時敏字德修上饒人學有源流兼該體用嘗從呂祖

謙遊所著師說語孟中庸大學說并雜文若干卷

人物志

徐椿年字壽卿永豐人紹興進士任宜黃主簿以承奉

郎致仕從張九成學所著有尚書本義論語解雙溪集

林志

汪喬年字房孺玉山人紹興五年以特奏名進士對策

第一臨事接物一以誠信少以文學顯晚以齒德尊人物

志

祝可久字德父鉛山人初從劉子羽立功西陲父歿不

仕與弟可大設鄉塾以訓學者又為義莊以濟族之貧

者從兄某出仕高安夫婦繼亡男女俱幼可久馳護以

歸府志

余畢字克成玉山人紹興五年釋褐嘗知和永二州其

在太學四方稱為善類所居學者漸漬薰陶涵育成就

其為政簡而豫不表暴不詭隨雖以道自信而務盡人

言林志

趙汝潑字文浩鉛山人嘗知南城縣盜發南豐郡以屬汝潑盡釋其脅從人德之通判建昌軍攝軍事值盜起鎮撫不遺力忌者反以爲言遂杜門不復出仕

人物志

汪涓字養源應辰之兄也踐履篤實有古君子風登進

士第爲中書舍人與應辰同處禁塗時稱二汪

人物志

汪應辰字聖錫信州玉山人紹興五年進士第一人年甫十八初名洋特改賜應辰上欲卽除館職趙鼎言且令歷外任養成其材乃授鎮東軍簽判鼎爲帥幕府事悉諮焉召爲祕書省正字時秦檜力主和議金人欲以河南地歸我應辰上疏謂和議不諧非所患和議諸矣而因循無備之可畏臣願勿以和好爲無可虞而思患

預防常若敵人之至疏奏秦檜大不悅出通判建州遂請祠以歸寓居常山之永年院益以修身講學爲事張九成謫邵州交遊皆絕應辰時通問及其喪父言者猶攻之而應辰不遠千里往弔通判袁州凡所予奪人無異詞丞相趙鼎死朱崖扶喪過郡應辰爲文祭之檜死召爲吏部郎官遷右司母老乞外出知婺州尋丁內艱服闋除祕書少監權戶部侍郎三十二年建儲以孝宗名與唐廬江王晉楚王同詔改爲煜應辰以爲與唐昭宗同白左相陳康伯遂改今名集議秀王封爵應辰定其稱曰太子本生之親置內禪擬於傳位日降赦應辰言唐太宗受禪於高祖明年正月始改元乃從其說又議改元重熙應辰謂契丹嘗以紀年遂改隆興一朝大

典禮多應辰所定議乞補外知福州未幾升敷文閣待
制舉朱熹自代在鎮二年會朝廷謀蜀帥乃以敷文閣
學士爲四川制置使知成都府既至免利路民餉運徙
沿邊戍兵就糧內郡縱保勝義士復業存左藏所解白
契二百萬以備不虞悉奏行之吳璘時駐蜀口武興精
兵爲天下冠璘死應辰遂攝宣撫之職蜀道晏然入覲
陛對以畏天愛民爲言尋兼翰林學士應辰在朝多革
弊事中貴人皆側目力疾請祠自是臥家不起少從呂
居仁胡安國游張栻呂祖謙深器許之子逵仕至吏部
尚書端明殿學士

宋史

陳文蔚字才卿上饒人朱子門人著書立說深得旨趣
朱子與手書往復互相論正所作州學修禮器記亦推

尊朱子儀式而損益焉

林志

蔣夔字子莊永豐人河南伊縣令紹興間當中文科復充制選其所與遊皆一時名士所著有論語孟子周易

解合二十七卷

林志

劉允迪字德華玉山人隆興進士知德安縣爲政一本儒術以惠愛得民累官至朝奉郎參議沿海制置司軍事後居家建義學以教族子弟及鄉人之願學者

豫章書

徐子融不詳其名鉛山人朱子與蔡季通書云鉛山徐子融老成有守嘗作小學欲延之家塾爲諸子師範云

朱子集

汪達字季路應辰子乾道進士官國子司業韓侂冑用事斥僞學善類不自安劉德秀因乞考核邪正真僞所

逐多名士達入劄子辨之德秀以達爲妄言并斥之閒
居七年參政李壁力言於胡嘉定初召爲太常卿累遷
至吏部尚書

人物志

周憲字可則永豐人從東萊呂氏遊集所聞爲震澤語
錄曾仲躬跋其後

府志

盧孝孫字玉溪貴溪人嘉泰進士仕西安丞擢知玉山
升太學博士淳祐初上適太學御講筵孝孫退而獻所
編四書集義上善之旣而上於中瓦建龍翔寺祀感生
帝孝孫因上時相書極言其不能格君非心卽挂冠歸
閉門授徒累召不起學者稱爲玉溪先生

人物志

韓補字復善玉山人與兄祥同登嘉定癸未進士知徽
州爲政廉明尋除淮西總領遣使南邦還對稱旨在朝

疏奏以切直忤時宰出知太平治尚清靜民皆安之祥
字履善好學嗜文累官吏部侍郎兄弟皆宗程朱之學
世稱三韓理宗御書翕和堂以榮之

人物志

黃從龍永豐人嘉定進士爲郢州推官元兵入襄岷郢
當要衝守將潛遁從龍抱印登城大呼曰張巡許遠之
事正在今日齧指血書死戰報國四字與子熙力戰而

死

林志

朱儒字希瀄貴溪人嘉定進士仕大理評事上書陳安

內攘外事宜執政惡其切直調迪功郎卒於官

安志

周端禮字應和永豐人充金國慶賀使金主問使至輒
伏盜剽劫禮幣然後以使者失職起釁端禮及境察知
其事乃還幣他所夜果邏舟數十問宋使者何在無所

得黎明募壯夫倍道至金金主弗知令判使索書幣甚

亟端禮具以進金君相相顧失色贈遺甚厚

林志

蔣傅永豐人慶元初韓侂冑欲逐趙汝愚而難其名京
鎰曰誣以謀危社稷則一網打盡矣侂冑乃使右正言
李沐以誣論罷之國子祭酒李祥司業楊簡力辨其非
亦被斥傅時爲太學生與同舍生楊宏中等六人伏闕
上書白汝愚之忠勤辨祥簡之非黨請竄沐以謝天下
還祥簡以收士心疏上上以其扇搖國是編管五百里

外志

趙不遷信州人直祕閣登進士爲清湘令無異韋布嘗

置兼濟倉冬糴夏糶閭里德之繪像祠焉

林志

葉夢得字是齋貴溪人由進士授祕書丞建石林書院

與盧孝孫陸九韶等講學其中有著述行於世

人物志

余大雅字正叔上饒人德性和粹器量宏遠聞朱子講學閩中毅然往師之朱子嘉其勤平居問答僅存語錄

刻於江東庾臺

林志

趙善鄧信州人以宣教郎知崇安縣事政尚嚴明人號趙鐵面紹定中汀州寇亂邑當孔道供億軍需不擾而辦民甚德之

人物志

鄭芝秀字月山貴溪人進士及第仕未顯而卒族子會字亦山仕至禮部侍郎理宗愛其才手書門帖賜之

志

趙藩字昌父其先鄭州人大父賜提點坑冶家信之玉山藉以致仕恩調浮梁尉連江簿皆不赴爲泰和主簿

受知於楊萬里理宗卽位特改奉議郎直祕閣又辭奉
祠致仕卒年八十七番五十時猶問學於紫陽旣奉命
所居曰難齋景定三年祕閣修撰鄭協等請諡乃諡文

節

豫章書白志舊案趙
蕃學者稱爲章泉先生

周日章字文顯永豐人自信甚篤窮不易操嘗慕王貞
白之爲人友人趙蕃名其詩曰靈溪後集以貞白嘗有

靈溪集也

林志

徐元杰字仁伯上饒人幼穎悟誦書日數千言每異思
精索閭陳文蔚講書鉛山往師之後師事真德秀紹定
進士及第簽書鎮東軍節度判官召爲祕書省正字遷
校書郎奏否泰剝復之理請外不許遷著作佐郎兼兵
部郎官以疾辭差知南劍州會峽陽寇作禽渠魁八人

斬之餘釋不問母憂去官免喪授左司郎官兼崇政殿
說書拜將作監時天久不雨轉對極論洪範天人感應
之理及古今遇災修省之實辭益忠懇丞相史嵩之丁
父憂有詔起復中外莫敢言元杰言陛下爲四海綱常
之主大臣身任道揆扶翊綱常者也自聞大臣有起復
之命雖未知其避就若何凡有父母之心者莫不失聲
涕零是果何爲而然人心天理誰實無之臣懇懇納忠
何敢詆訐特爲陛下愛惜民彝爲大臣愛惜名節而已
疏出朝野傳誦未幾兼右司郎官拜太常寺卿國子祭
酒權中書舍人杜範入相復延議軍國事所言皆朝廷
大政邊鄙遠慮每裁書至宗社隱憂處輒閣筆揮涕書
就隨削藁雖子弟無有知者輪當侍立以暴疾謁告特

拜工部侍郎隨乞納祿詔轉一官致仕卒太學諸生伏闕愬其爲中毒獄迄無成海內人士傷之賜諡忠愍宋趙善卬字國用鉛山人嘉熙四年知東莞縣節用愛民科徵或不給則捐囊代輸剖決如流稱神明宰初李巖築隄護田自姚令孝資後莫有繼者善卬修舊隄萬五千九十丈視地患水者復隄之事竣歡聲載塗比去民

思之不置

廣東通志

謝徽明枋得伯父也以特奏恩爲當陽尉攝縣事時天基節上壽元兵奄至徽明出戰死二子趨進抱父屍亦

死

人物志

周天驥字子德永豐人淳祐進士授校書郎嘗從真德

秀學德秀爲作穎齋爲學二記勉之

人物志

余炎字伯華永豐人淳祐進士授廣東提刑持己廉潔

當時之廉吏碑炎居其一

廣東通志

邵士英字子實貴溪人淳祐進士理宗朝官翰林檢閱

不阿權貴爲賈似道所扼退居鶴嶺構精舍日與弟子

講學其中及卒江萬里諡曰介隱先生

林志

徐珏字叔寶上饒人寶祐間餘干令每決疑獄人稱神

明

林志

謝枋得字君直弋陽人寶祐丙辰試中禮部高等比對
力詆時宰閤宦抑置二甲第一召試教官訓建甯府教
授趙葵宣撫江東西辟爲屬尋除兵部架閣令募兵援
江上出楮幣十萬賈得信撫義士數千人以應賈似道
當國會軍興出入簿責任事者坐廢元師壓江上宋社

日替江東漕司猶試士徵校藝枋得憤買竊政柄害忠
良誤國毒民發策十問辭甚剴切大拂買意臺評竟上
謗訕鎬兩秩興國軍安置因謫所之山自命疊山守令
皆及門執弟子禮丁卯以史館召不赴乙亥授江東提
刑總其兵以守饒信撫與元兵戰輒敗遂易服負母走
閩中隱於卜信守將悉捕枋得妻子弟姪送建康獄大
人李氏有容德有廉帥者欲妻之一夕自經死弟君烈
君澤姪某某及一女二婢皆死獄中惟二子熙之定之
移獄廣陵得釋又有弟禹在九江亦不屈斬於市其後
侍御史程鉅夫以宋遺士三十人薦於朝枋得在舉中
以丁內艱辭連召皆不起福建行省魏天祐被旨迫促
上道乃行至元都不食死年六十四門人私謚文節先

生平日所著易書詩三傳行於世雜著詩文六十四卷

翰林學士盧摯為之序枋得死後二十四年門人虞舜

臣率其徒築室買田祠於弋陽之東江浙行省請於朝

為疊山書院元李道源謝公神道碑 白志原案宋史本傳與道源所撰碑不同者數處傳云吳

潛宣撫江東西碑以為趙葵傳云程文海為宋臣二十

八人碑以為三十人傳云二十六年四月至京師碑以

為二十五年碑云信之守將悉捕公妻子弟姪送建康

夫人李氏自經死弟姪及一女二婢皆死獄中又其弟

禹在九江亦不屈斬於市所著易書詩三傳雜著詩文

六十卷史傳皆不載竊疑作元史時未考此碑也今

悉以碑文為據又引郭子章言文節諡集以為私諡

鄉汝溪臣說類鈔以為景泰年諡未知孰是謹案貴

溪縣志據寶祐登科錄稱枋得貴溪人明會典亦稱

徐炎年永豐人謝枋得高弟也景定進士授行在軍器

監簿添差建甯府通判有美政建人頌之人物志

韓觀國字用賓景定進士授潭州錄事元兵下江南頓

師堅守不下凡閱月城陷死之

人物志

王小十鉛山人母疾割股以愈之知州葉三省奏乞旌

表門閭改易鄉號仍宣付史館詔悉從之以所居紫溪

鄉改旌孝

安志

世戶孝

子韓洙

永豐周溫

叔俱

以孝義

聞

於

時

桂璧貴溪人領江西漕薦授蘄州判北兵寇蘄太守徐

昇逸去璧申明大義卒城中民日夜捍禦敵不能犯踰

旬乃出奇兵擊之圍遂解尋以舉薦授南昌節推

安志

桂子恭字伯允貴溪人以破蔡功授瑞州都監謝枋得

貽書文天祥曰子恭忠銳沈鷙許國馳驅志大而任不

稱尋從孟洪朝陵寢洪閱其行橐惟習氣說一帙洪入

朝奏其忠潔遷洪吉臨三府都延使授成忠郎卒

安志

程魁字玉巖貴溪人應嘉熙庚子貢寶祐丙辰伏闕上書咸淳中乙科授從仕郎臨汝教授德祐乙亥以承直郎禮兵部架閣扞鄉郡紫陽方回表其墓

安志

王奕字伯敬玉山人爲邑博與其子介翁居玉琊峯讀書其中素與文天祥謝枋得友善及枋得就執北行送之有詩云兩生無補秦興廢一出仍關晉重輕白骨青山如得所何須兒女哭清明詞旨激烈宋亡建斗山書院居之杜門不出所著有東行藁

人物志

徐宗仁字求心永豐人痛祐進士官國子監主簿開慶元年伏闕上書極論邊事又論董宋臣盤固日久蒙蔽日深又請使有言責者皆得盡其言累遷考功郎兼崇政殿說書國史編修實錄院檢討德祐元年授吏部侍郎

郎中書門下檢正諸房公事權禮部尚書兼益王府贊
讀衛益王走海上厓山敗死焉

錄章

元

桂本字林伯貴溪人隱居不仕講明象山陸氏之學創
靈谷書院著述其中所著有四書通義五經統會三極
一貫圖金精髓極類纂道統銘等書

王忠文公集

祝堯字君澤上饒人博學能文延祐進士授南城丞改
江山令升萍鄉州同所著有大易演義四書明辨策學
提綱古賦辨體

林志

楊仲宏玉山人第進士翰林編修能詩文號百戰健兒

林志

楊亮字叔明上饒人元高士也與錢惟善爲友子觀至

順二年進士翰林檢閱

揭文安公集

方南一貴溪人謝枋得高弟也延祐閒任饒州教授耿

介不羣卓於樹立遷贛州判官所至有賢聲

人物志

劉光字自謙上饒人延祐進士授翰林編修少承家學
一時名士爭與之游稱之曰泉山先生祖養拙受學黃
幹得居敬窮理之要號白石先生光因創白石書院祀
朱子而配以幹又建義塾置義田以贍鄉子弟之來學
者朝廷嘉其行誼旌表其門

人物志

張宏綱貴溪人早負才名歷官集賢院大學士榮祿大
夫柱國封信國公謚安惠

林

黃叔樵弋陽人博學能文善楷書嘗分教邑庠以足疾
辭歸授徒於鄉爲後學所宗與兄孟耕處友愛尤篤居

家嚴禮法禁絕佛老之教

林志

方思廣字可大上饒人至正三年知連州增學田立義
冢勤撫字吏卒無敢恣者既去士民紀績學宮至今尚

存

廣東通志

江彥章貴溪人元末不仕偽將王溥聞其名欲鉤致之
不可得乃以兵縛之行至何郎橋厲聲罵不絕遂遇害
土人瘞其屍次日雪封之莫識其處至今人呼曰江家

山云

府志

謹案白謝二志元代有李續傳別無事實惟云顧瑛玉
山草堂集有弋陽山樵李續序當是弋陽人而已本非
傳體且考今本玉山草堂集序但有李祈而無李續或
是傳刻之訛或是藏本之異原不能據今本以譏白謝
之誤惟即有一序於專傳亦非所宜今刪之而附辨於此

江西通志卷一百五十七